


廣平府志

ル 5
1572
15



門 八 35
1572
/ 5



重修廣平府志卷四十

古蹟略 寺觀上

永年縣

保慶寺在縣治東

縣志

隋建明洪武五年重修

畿輔通志

萬

歷十五年知府蔣以忠續修有郡人賈待問碑記

採訪冊

唐司空曙詩黃葉前朝寺無僧寒殿開池晴龜出曝松
暝鶴飛回古砌碑橫草陰廊畫雜苔禪宮亦銷歇塵世

轉堪哀

昭福寺在縣西南十里唐貞觀四年建有岑文本撰碑

元和志

今基址無攷

採訪冊

鐵佛寺在南關相傳像是大水浮來者

縣志

普會寺在城東北二十里夏堡村俗名夏堡寺故址在

城西北魏永平三年創建宋崇甯甲申易名天甯萬壽

禪院金天會中僧同休始改建今地仍名普會寺正隆

三年僧智安重修明成化中僧如金增建千佛閣嘉靖

庚申僧妙忠癸亥僧妙省萬曆五年僧妙聰八年知府

趙奮薛鑰知縣馬翰如四十六年郡人劉應麟各有修

葺

國朝順治十四年康熙三十七年重修寺內圓通閣縣志同

治年間重修毘盧殿光緒十九年復修大雄殿採訪冊金郝

大亭記略洛州普會禪院始建在州之西北隅屢經遷

永平三年而不知世代竊謂年號永平凡有四焉東漢也西晉也後魏也後蜀也東漢明帝夜夢金色人飛行殿庭以問於朝而傅毅以佛對帝遣蔡愔秦景使天竺求之得佛經四十二章及釋迦立像並與沙門攝摩騰竺法蘭東還其來也以白馬負經因立白馬寺於洛城雍門之西以處之茲佛寺之始也猶未及於天下西晉惠帝昏蒙失御政荒民散方自救之不暇何暇於佛哉後魏宣武與梁武帝同時南北相望事佛甚謹四方嚮慕豈建於斯時也後蜀王建偏霸一方復何與焉歷隋唐五代僅五百餘年迨崇甯甲申易為天甯萬壽禪寺前所謂普會者名隨實泯人與地遷沒而不聞矣俄普會舊僧同休慨然憫之與其徒道本廣詢勝地慎訪奧壤積以歲時始於州之東北二十餘里永年縣之萬頃鄉孝言村中下二堡之間創卜院地躬化千人協力同心斬茅誅樹築垣構基不越周葺而樓殿參差鐘鼓鞀磬遂勝絕一境復以普會故額名之則天甯普會始有分矣止十餘年欵值兵戈蕩析無餘獨得存者萃堵波耳復有大比正法號智安姓賈天黨人也隨時應數以濟一方即於天會十三年師禮道本通經受具諸方遊歷訪道參學抵天眷間來歸普會舊刹周視遺址發大

古蹟略 寺觀上

誓願欲修復之悉繩前制遠近聞之雜然歡愜乃鳩食
 訪木陶工冶鐵官者借勢富者出財壯者獻力巧者呈
 技負畚荷鍤于橐于囊登登憑憑百具偕興於是啟門
 之三立殿之二若泊僧之房南北連亘若演法之堂前
 後重復若檀信之館舍若常住之廩庫若寢若食若廚
 若廡僅五百餘架役十萬餘工為梁為棟為榱為桷為
 甄瓦為丹雘各極其妙然後鎔金琢玉刻木扶土運毫
 合色擬千聖之形容而貯之鼓鐵萬斤架洪鐘而聲之
 歲月不延一切備具然智安之精進勇猛心不退轉求
 化於眾則中下二堡之人尤用力多矣皇統之後冬夏
 二時安集雲臻大德一百八人朝夕焚禮講究佛意至
 今十有八年歲以為常度二法脩日圓覺日圓辛俾嗣
 厥事庶幾燈燈相續綿綿不斷後千百年期智安之業
 不墜也迄正隆丁丑落成建壇求師重授尸羅資戒大
 佛事而僧俗四眾不啻萬人越明年大法師智瓊親錄
 其事來訪余求文以示來者余為紀其實俾泐諸貞珉
 時正隆三年正月十有一日也 國朝王謙記略普會
 寺在郡東北二十里古名利也歷唐宋元明皆有修舉
 迨我 朝順治十四年復建毘盧寶殿為寺主維時協
 力多人而信士岳景和與焉奈數十年來時日變遷善

衆彫謝猶是寺也殿宇傾頽法相塵垢零落蕭條不復
 向日之金碧輝煌矣工程浩大誰敢首事獨有景和自
 前役以至今日盡歷風波倍嘗艱險好善之心老而彌
 篤每欲修理之而未遑爰捐廩傾囊為眾入先即時金
 佛塑像各有其人而書名慨施者頃刻不下數百金自
 是相率同志徧化十方捐金捐木捐瓦捐灰無不忻然
 貢至於取材荆揚之南鳩工河洛之北智者逞巧壯
 者獻力以至同人之管理僧眾之供應無不合心戮力
 趨事赴功不踰年而厥績告竣焉毘盧殿大雄殿圓通
 閣觀音堂中外配殿之處處起造也諸佛菩薩羅漢護
 法水陸諸神之一一金粧也鐘鼓兩樓乘時而立山門
 羣牆以漸而成也又於佛殿左右創晏室二座使高僧
 名衲諷詠寢食其中大寺道南建茶坊二間令行人商
 客寒暑解懸其際而且蒼松與翠柏層陰鐵馬共石獅
 輝映自始建以來未有若斯之盛者也既竣有同里張
 宏者問敘於余紀時日也余因景和與一切善信之功
 德並為不朽可美而可傳也是為記 胡景桂記略普
 會寺俗名夏堡寺在郡城東北二十里攷金時郝大亨
 碑記天會間普會舊僧名同休者卜地於永年縣之萬
 頃鄉孝言村中下二堡之間創建斯寺是夏堡乃下堡

之訛村因堡而失舊名寺因堡而奪本名也普會舊利
 初在郡西北移建於此至今歷六百餘年矣自國朝
 康熙三十七年重修後至今又歷百九十餘年矣歲久
 殘缺復經劫火蕩然無存同治中眾善士修復大殿一
 座即舊記所謂毘盧殿也嗣以工大費繁中止今
 皇帝御極之初韓善人來寺棲止不知何許人亦不言
 其名字陶情適性之餘慨然以興修為己任目雖失明
 而人不能欺好談諧善醫術一經診視著手回春因而
 聲譽四達求醫者踵相接遠或百里或數百里已不能
 往則遣人療治遐邇皆以善人稱之一時貢金貢木捐
 貳石捐灰輒不煩催督之勞募化之力而輸納者絡繹
 不絕是果善人之術有以感之耶抑佛家拯世之苦心
 默為主持而靈應若是耶本村人李福全鄰村人栗見
 鳳等經理其事鳩工興作自丁亥迄甲午經八寒暑役
 萬千工修後殿抱厦三楹建大雄殿五楹殿左右羣房
 二十餘楹圍垣一百餘丈山門鐘鼓樓悉備而殿前之
 圓通閣干佛閣亦將次第興舉克底厥成焉同里范茂
 才從高屬予為文記其實爰即所聞者掇述其崖略以
 示來許是為記

泉亭寺在臨洛鎮西南五里舊志鎮地掘井必三丈乃及

泉惟寺中地掘二尺即得水內有蓮池水泉常溢輔通

志俗云趙王香火院有古井尚存明天啟中邑人李

養冲重修採訪册明李養志記略去吾鄉南二里許

以布若居也居之左右有趙武靈王臺址在者臘指此
 為亭榭地會供有上方諸品而不自覺其傳之訛云乃
 有龐居士者嗜浮屠卜此為精舍基焉數十載前猶留
 殘碣可考奇峯突兀流泉清淺有渴飲於井者以手掬
 之須臾而解鄉之南依然勝概也迄我孝廉祖益增飾
 之而堂廡俱如故繼因修築洛州盡載其殘碣壘城為
 基而寺遂傾圮極矣諸比工等亦日習畚耒業祇林修
 廢半為牛羊所藉而泉若涸相延荷塘一區亦為豐草
 雜也歛歛者久之乃約諸伊蒲塞擬為興復意之所至
 不督而集於是鳩工庀材次第重新既周以圍垣復疏
 鑿其泉塘俾荷香繼出庶幾於法座前現心蓮乎即此
 正方丈亦無使在荆棘中便為檀施者往來焉沿故鼎

新因毀成妍荒榛灌莽之間加以丹堊即三千大千世界應作如是觀功告竣矣傳者當因其碣之所紀以志不忘無惑於山僧所指以為頂禮招提者悞李芳蒞詩新泉三尺淺小市一彎通荷動珠難碎魚來水漸紅幽花香挹露熟果氣隨風社鼓雲中響兒童祝歲豐雜卉初無譜方言強命名風林依鳥宿山水逐門平日烈瓜先實亭深草易生前途歸馬熟自覺去來輕

洪福寺在縣西二十八里三塔村西

採訪册明連鑛記略洪福寺莫詳

所為始厥東有堊石以志趙保氏者辭引寺繇揭年大定則自金元時有之明興混一中土諸旣淪蕩此獨猶存非故物與宏治中僧繼增繼瀛始一葺理登於崇備徵予伯考名濱先生記蓋為御史時也延於正德監司有狗名者徧毀祠宇命曰汰淫此適在毀中繇是棟宇摧零而碑礫散亡矣予往過閱蓋甚傷云嘉靖歲戊申鄉人趙鑛住持續僦倩僧圓海同心勸募興理緒業門庫殿庶卒用以完足垂遠久沙河義民申從仁乃復捐貲伐石用連諸生錫所次狀謁予請為之記曰佛氏之教入中國其來也久法先王者每懲之如唐韓愈氏非不毅然力也然卒無以過其流他如宋魏梁陳間纔一銷錄尋轉茲熾以及元季之末其廢興不槩見哉乃好事者或務為淫祠之毀必欲盡取而滅之其如消長之理何而人力之施恐未易與造化角也不以遺多事乎寺西隅聞舊有浮屠塔觀音閣制皆偉甚今無之益可觀興替矣予因作記以諗后之人毋為峻激以滋崇長毋為太靡以召沈銷也將無有鑒於斯文

龍泉寺在縣西北四十里龍泉村明嘉靖間增修有和

鳳碑記採訪册

案舊志載有清流寺在城西北四十里而不注何村永年志載有清泉寺在縣西北四十里龍泉村疑係一寺訪龍泉村人清流清泉即龍泉寺也今並清流清泉二名刪去

天甯寺在縣西二十里孔村

舊志 明王世揚記略廣

壽天甯寺建自唐初歷宋元至我朝屢蒙修造成化元年化主僧繼洪嘉靖四年化主僧繼月萬歷七年復有周村秦世忠結蓮社集諸善士各輸財修理一新二十五年住持僧祖善觀寺之形制南北短東西長偕僧緒福同善人祝魁李周發心於寺後修建大殿五間抱厦五間乞化西安府同知翼寰秦公同兄一鸞一鳳弟監生一鶴施金若干十方善士各施瓦磚木植修理完備求余言為記余非學佛也者而好閱佛書嘗與友人觀化寰中挾三才之奧蓋云道出於天世無二天豈有二道其初渾渾天不得不高地不得不廣萬物不得不生字畫俱亡安有門戶儒老釋之分皆後世曲士好辯求其源而不得而強為之名也究其洗心退藏一塵不染高不可攀潔不可溷則儒老釋同此根宗無異道已及其設因果報應之說以化誘愚俗補裨世道又有出於言詞禁令之外者因感而為之記

大慈寺在縣西十五里大慈村

同上 明張國彥記略

村舊有古刹大慈寺歷覽其勝槩南潮溢水北湧淵泉東臨畿輔西峙太行其前後土庶渾渾噩噩英才輩出此寺之形勢豈不昭然為偉觀哉年久頽修葺無人而後殿雖存祇為孤立爰有居士張仁民等偕住持僧辛月辛喜洗心滌慮共發虔誠議建中殿詢及眾謀允愜輿情各捐貲命匠庀材鳩工不市歲而殿宇維新厥功告成矣

大定寺在縣東二十里陳兒寨

同上

蓮臺寺在縣南十二里韓兒寨

同上 明申佐記略余

里中興革共為嗟賞適有僧明香悟澤者持狀來請余疏其事而記之余曰云何曰郡城西南十里許有寺曰蓮臺去韓兒寨西南僅百步相傳創規於元至正間入我朝時圯時葺詳在舊記中茲不復贅今上歲戊寅藩藩教授東林蔡公以故嘗來遊息其冢嗣學憲春臺公亦時至止謀欲拓其未廣增其未備召父老寺僧告其意指眾莫不懽然象指諾意四方聞者輸財若流趨役若赴越明年前殿四楹山門四楹其間佛等聖像俱告

成功衆懼歲久湮沒無以昭告後世願藉一言垂石不朽是役也造謀則東林蔡廷光協謀則郭維新郭朝元郭聞典溫秀郭維臣輸財裝修佛像王才等裝修菩薩羅漢溫鑛等舊起造後殿則溫豹等十五人因併及之

開元寺在縣西南十五里田兒寨一在縣西北四十五

里榆柳村

同上

福聖寺在縣西四十五里瓜井村

同上

保全寺在縣西北四十里尹固村

同上

洪榮寺在縣西北三十五里劉營村

同上

河北寺在縣北五十里朱家莊

同上

順國寺在縣北三十里七方村

同上

清佛寺在縣北四十五里鄭西村

同上

普應寺在縣北三十里曲陌鎮

同上

石佛寺在縣南二十里牛家堡

同上

興國寺一在縣北四十五里高固村一在井兒寨

同上

華嚴寺在縣北三十五里圈子村

同上

大名寺在縣西北二十八里方頭固村巨塚雄立潭水

環注亦勝概也

同上

目連寺在縣西北二十里趙目連村相傳有僧號目連

葬此

同上

清涼寺在縣南三十里袁寨

同上

北河寺在縣北四十里

同上

千佛寺在臨洛鎮北洛河岸上同上縣志作鎮東

興教寺在臨洛鎮探訪冊

寶山寺在縣西三十里紅山上嘉慶間重修有馬廷相

記探訪冊

古巖寺在縣西十五里大辛莊舊志明洪武間何子亨施

地創建崇禎間重修有胡沾恩記探訪冊

觀音寺在縣西十五里馬到固營縣志

準提菴一在縣治東北一在南門外舊志

白衣菴一在北城下明崇禎間知府程世昌建一在城

東南隅同上一在西街光緒十五年重修探訪冊

永錫菴在縣治東同上

蓮花菴在東關外舊名甘露寺同上今圯探訪冊

定慧菴在西關外光緒十七年知府吳中彥知縣余效

衡重修探訪冊

龐居士菴在臨洛鎮南三里有唐貞觀碑記畿輔通志

居士姓龐名蘊衡陽人結菴在臨洛鎮南有妹凌霄通

道術會度丹霞於此邑紳宋師程施地基以廣菴李芳

蘊為建白衣大士殿三清觀在西饗城舊志今圯探訪冊

清都觀一名東嶽行宮在縣西蘇村唐時建元延祐間

鸚國公重修明萬厯間增修舊志明李春夢記略永

清都觀是為東嶽行宮西襟聰山南帶滏水北環洛沙故勝地也人言棟宇創自隋唐雖誌記無徵然而先世相傳或亦有據案故額識元延祐六年鶚國公重修迄今又三百年矣代遠人湮廟貌如故蒼松古柏蔽芾雲霄斷礎殘碑剝蝕風雨弔古者每為之俯仰歎云逮我明嘉靖五年曾經修葺正殿原制三間始廣為五前增大廈及重門兩旁建十王殿西立廣生祠獨後殿闕焉未舉本鄉李應禎等捐貲協助營建後殿五間碧霞元君諸像金碧焜煌丹青掩映東西兩翼舊有庭院三區頗傾圮茲并新之中修靜室外繚以垣為涵為庖無一不具特舉黃冠有道行者主香火事廟田數畝土厚泉甘足供蔬素之費是役也經始於萬曆二十六年至四十二年始告成事嘻備矣美矣神諧而人謹矣謂不紀曷以垂永久乃敬書之以誌歲月云

三教堂在西關外今僅存基址一在縣西紅山上探訪

冀擢元記略邑東北三十里許有山紅石嵌其顛甘泉出其澗樹林陰翳而紅山寺名焉乃邑之佳山水也尤有佳者寺東十數武南北兩山灣如兩椅形北灣三教堂與南灣觀音堂坎離相照中界以澗東西山徑通往

來沈稻種蘆其間桃杏楊柳成林獨是堂則風雨不蔽四垣傾圮卒未有過而問焉者康俗村善人侯自富睹之惻然以修葺身任其責迺謀之山之西我邑之十數村山之北十數村錢財木植爭助米食磚瓦急其所捐經始於康熙六十年告成於雍正五年於是崔巍其臺榭濶大其棟宇丹堊其椽角又建關聖殿韋陀菴於堂前兩廊啟淨室廚竈垣墉畢備廟爰神依煥然一新蓋閱六載勤勞苦力而功斯成矣因為之記其顛末如此

呂仙祠一在縣南三里午橋一在城東二十里河莊縣志

玉皇閣在城北隄內舊志

觀音閣在縣西四十五里臨洛鎮乾隆十五年通判畢

宗高重修探訪

廣生殿在西關外光緒十七年知府吳申彥知縣余效

衡重修探訪

真武廟一在縣治西一在北甕城志舊

東嶽廟一在東甕城縣志一在城南十里探訪册明趙

記略廣平府治之南纔十里有東嶽廟焉其來舊矣嘉
靖庚寅歲廷議毀天下淫祠是地又王畿之近行法所
最先者而廟猶僅存嗣是人心浸解香火漸微廟貌盡
矣及丙申歲有道士劉崇慧者勵志再新乃與土木人
力取諸居民財貨者東西南北之集也予嘗納兼金共
理焉底今己亥歲殿宇之巍兩廡之飭視前躍如也乃
徵予言為識因敬書其歲月云王怡記略廣平有東
嶽廟在郡南十里其始建以遼遠神降皆不可知據舊
題尉遲公監造又志云永樂十四年重建故家相傳唐
太宗重修其世創於隋若漢魏則不可考而永樂重建
則又不知更承之次數矣上下數百載間經亂湮沒圯
而復作殘碑古碣弗傳無聞獨遺址不晦嗣續修飾永
樂逮今又百六十七年久復大壞香火雖永而規模蕩
然矣舊常奉祀父老用是不甯嘉靖戊子鄉副使申公
綸為請於守湘源蔣公許眾修葺於是鄉邑鼓舞樂為
趨事撤故壁而新之闢舊垣而廣之閱一歲正殿告成

有儼神樓安陽道士曰崇慧者聞之亦來復鐸於四方
纂力偕功於是石木大備陶治並作梓塤合工再闢歲
寢殿告成神人攸愜殿左復構閣百尺為碧霞聖母月
遊候所右作廣生廟法古祀高禩東西翼以兩廊表以
柏檜有左右石文武二臣峙立階墀其前為樓為門為
觀歲時告祭張樂其上於是廢者興頹者起缺者益卑
者崇隘者濶陋者華繪畫模塑黝堊丹碧輝煌掩映整
齊嚴肅巍然煥然每歲以季春二十八日會祀祀之日
提攜肅引牲幣四集是役也舉祀以興禮作會以善俗
不假公帑不煩有司徒以一念信於人心凡得米三百
餘石得錢五十萬緡日食匠役亦百數十人氏以資財
輸者率自輓輓凡一礎一甃一椽一椽皆有名氏始事
於嘉靖七年三月癸巳落成於十八年九月甲戌周旋
十有二禩克就偉績垂報於億兆無窮極可謂備至也
矣今歲庚子訖工適當會期鄉民王鳳暨道士等二十
三人磨石將鐫以文來請怡小子何知謹記其歲月顛
末如此

三官廟在三清觀東縣志今圯探訪册

九天聖母廟在縣治東北明崇禎十三年順廣道副使

張秉貞建舊志

碧霞元君廟一在東關一在北關外同上一在縣西北龍

泉村俗名乾鞞廟採訪冊李汝霖記略距龍泉之里

突兀之勢雄踞西北一面前臨古路有東西階皆石級
西北東繚以短垣西階上者殿宇少卑而象實雄偉自
東階上者前為泰山行宮後則大殿殿之上為層樓轟
立摩空俯視一氣余時以春暮風日晴和躡級登焉下
見平疇遠樹麥隴青青容潭洳宛然身在畫圖若將
遺物離人而立於獨者然舊無碑亦無匾額其作始何
年祀神何意乃至所祠何神詢之鄉人耆老舉不能知
不能知則吾之精神何自而與神通而神亦何自而為
德於此土而因以食報於此土也者顧吾念之神之在
天地間無適而非是也若必一一而目之曰此為某之
神此神何功於某之土此土何年而創某祠祀某神則
自此神此土此祠而外遂無所謂神與祠而自此祠未

創之先不知幾千萬年神豈無所棲萬一此祠既廢之
後又不知幾千萬年神將遂無所泊乎哉祠以每歲二
月七日香火極盛亦不知於神有當與否但使一瞻拜
而肅然生敬則精神已與神通雖其未獲瞻拜而凡東
西行過祠下者仰視盤基之鞞固與其聲勢之巍我亦
各想像威容因敬生悟而默以自戢其邪心是即神之
所以為德於此土而亦所宜食報於此土者歟予實不
能文然以重拒鄉人之請亦不自覺疑神靜慮而邪心
於是乎頓息也
因以為之記

財神廟在保慶寺東內有竈君廟採訪冊

天王廟在北城上舊志

咽喉祠在城內西北隅久圯光緒五年知府長啟知縣

夏詒鈺重修採訪冊高甲記郡城西北隅舊有咽喉

卯春喉症大作合郡人心惶懼郡伯長公子明邑侯夏
范卿目擊心傷禱於祠而病者多愈謂神有功則祀之

廟有缺則補之此地方有司之責也因各捐廉以為之倡並命附近紳民廣為募化賴諸董事竭力鳩工經始於己卯之冬告成於庚辰之夏神像飾以金碧殿宇施以丹廈門楣牆壁煥然更新因念住持無人孰司香火奈廟無地畝僧道難容爰創建書室數楹延塾師授讀其中既可禮神明亦可資教育洵一舉而兩得也爰序顛末以告來者是為記

曲周縣

天甯寺在縣北河南曠

畿輔通志 宋歐記略曲邑北河南曠者六堡之一也舊

有天甯寺不知始自何代有斷碣埋土中掘得之見其誌為洛州平鄉下里平之隸於洛蓋在唐世云宋元以來無可考父老相傳明時有直指使毀所案佛寺此寺亦在毀中獨燃燈佛像眾力挽之不能仆咸詫以為神堡人趙堂葺茅屋以庇之嗣是廣大其殿宇翼以鐘樓輔以配殿峙以山門規模廓如也後數十年漸廢壞有趙公宗信僧人淨元倡化里人煥其舊而新之更置水陸殿莊金像勒碑銘至明季大兵後繼以凶年住持散

亡香火為之斷絕垣頽階圯鳥鼠豕狗牛羊來牧見者心惻且不逞之徒藪匿其中日夜行劫戊子秋冬之交害乃更甚近鄉與行者並苦之吾年友善甫趙子每以為憂爰集鄉之耆老若士庶謀為改遷乃毅然為己任為眾善倡於堡之西南募馬汝山趙永祚曹耀等地而興建焉歲七稔成殿宇若干楹造佛菩薩若干像延僧諷誦鐘鼓聲聞丹霞在望屹然為吾邑巨刹而且行者居者免於劫掠之苦眾悉舉手加額曰趙公之為此勞費也於以庇我人而非私也謀壽之石微言於余爰為之記

保甯寺在縣治西北隅

同 內有十王殿明嘉靖間重修

採訪冊 方收登保甯寺藏經閣詩西風吹冷菊花香載酒登臺傍夕陽眾鳥高低連野樹孤煙輕重鎖寒塘僧閒留客烹芳茗月皎窺人出上方 一在白灘店村舊志坐久不知清夜冷涓涓玉露溼衣裳

大明寺在縣東王目村

舊志

聖安寺在縣東聖福堂村

同上

興福寺在縣東水德堡同上

觀音寺在縣南安兒寨縣志

張綽寺在縣東南張綽村同上

淤灘寺在縣東北淤灘村同上

普恩寺在縣北侯村集舊志

臨河寺在縣東寺頭村同上明成化元年隆慶六年萬曆

四十四年各重修採訪冊明王世爵記略曲梁第八

茲寺傳至廣順二年住持僧廣通見其棟宇腐撓繪像

患漫惻然閱焉遂募化於四方積功德者而更新之奈

歲月經久風雨摧殘而易舊圖新又不能無待於後人

成化元年有僧首恒喜協各功德主而復新之似可觀

矣猶有歎焉繼以嘉靖三十五年僧首宗恩宗何隆慶

二年僧首續住續琴續章協各功德主累之以年萃之

以眾而相續興修至六年四月吉日寺功就緒藻櫺雲

楣窮締構之巧於是梵宮之內外炳然而輪奐也法像

之大小巍然而嚴整也四方來觀者入山門也接金剛

之威峻而畏心生焉遊兩廊也觀百神之靈異而肅心

生焉仰伽藍祖師之祀所宏潤也而翼心生焉拜後先

宮殿之金彩輝煌也而祇心生焉南無奇觀迺昔無兩

今有西天偉制實創見而誇美也誠足以享水陸之會

而盡香火之情矣主僧信士懼其久而湮也請予紀其

事因為詳其顛末俾勒諸石

石佛寺一在縣東南五塔村一在縣東北原作縣西誤五間

房舊志

延祥寺在縣南新寨村同上

圓祥寺在縣南馬遂店畿輔通志明張學顏記略

足持疏遍歷諸宰官居士長者優婆塞優婆夷之闍而
募焉歸則又諷唎肉髻前琅琅至丙夜不少休居無何
遠近翼如金錢蠅叢都匠徒屬不速磨偕瓦者石者柁
鑿者蘂裡畚鍤者繪而丹聖者登登憑憑庶用丕作始
於萬歷乙酉孟蘭盆月竣事次歲之浴佛時丹青赫煥
龍象圍繞者閣窟山倚恍飛來娑婆世界也是役也清
陽郝侯實司牛耳蓋侯家食時下帷淨土歲幾七更興
儒等有坡公參寥之雅以是乃倡居士麗瑤麗哲唐柏
常選麗一棟為奔走鳩庀績用始隆隆起儒僧得弛負
擔人人咸謂瓶粟寸縵數環固皆儒之蒲伏所得而紀
綱維係其間無有幾微舛佚非郝君不能及此太史公
有曰非附青雲之士烏能聲施後世哉儒之與郝君幾
是夫時萬歷二
十三年三月

寶豐寺在縣北水下疇村舊志

興國寺在縣東南高胡寨同上

北戈寺在縣西滄陽集同上

段竹寺在縣南冢上村畿輔通志

龍堂寺在縣東北焦兒莊舊志

彌陀寺在縣北十里疇同上

釋迦寺在縣南東陽固村同上

鐵佛寺在縣北倪兒莊同上

崇教寺在縣北孝固村同上

白灘寺在縣西南白灘店村縣志

小寺在縣北趙兒寨同上

廣濟菴在縣東南魏家灣舊志

祥雲菴在縣北趙兒寨縣志

冲虛觀在縣治西北隅元大定初建明一統志今無考採訪册

通真觀在縣東安上村縣志

十方院在縣東一里舊志

大佛殿在東關外縣志

菩薩堂在南關外同上

觀音堂在西關外同上

石佛堂在東關外同上

銅佛堂在河東同上

杏林堂在香港固村同上

呂祖廟在縣治西道光間建一在安兒寨名曰呂仙閣

縣志

東嶽廟在東關外舊志明成化十九年萬曆三十三年相

繼重修採訪册明王端記略曲周縣治東約一里許

人盧成因母王氏染疾日夜號泣恒欲割股以愈之鄉
人驚羨防禦不果於焉捐妻子棄家業食淡薄艱寒暑
輪誠勞瘁起蓋東嶽廟焉斯時也廟址雖存荒涼蓬華
而已甫數月間鄉人之遠近見聞者知盧氏子為母故
而致敬於神敬神即所以孝母孝敬兩盡可謂能人之
所難能者矣以故土木厲鍛之需不假勸貸自相望於
道其來也如源泉所積也若邱山由是鳩工選材先升
正殿次兩廡及山門既鐘樓繼垣牆庭除高爽樹木森
然廟貌維新足以安乎神明聖像尊嚴足以起人敬仰
要其所以皆由盧氏子孝敬之所致抑亦見人心之所
同故曰孔曼且碩萬民是若此之謂也是廟也經始於
成化辛丑二月春落成於癸卯秋神明以之而甯母疾
因之而愈神人交感於茲驗矣庠生宋麟輩孝敬子也
耳目善事迺奉幣請予文以為記予樂道人之善者也

故不祕辭因備書其本末俾刻於石以示四方來遊來
 觀之士於以興起其孝敬之心且感慕於永久也與是
 為之記 袁宏德記略東關外不里許有東嶽天齊廟
 未詳創自何時成化十九年有邑民盧安子盧成因母
 病禱神獲庇輸心重修其詳載在沂州王博士記中可
 考已讀碑陰見當時協力贊成者人以千百計吾家曾
 祖伯叔父母振名等且數人予惻然有感作而歎曰何
 前人能興起善念尊敬神明輸財助工用成美事今吾
 子孫叨列冠裳顧忍墜先人贊成之義沒盧子孝敬之
 迹任其廟貌頽圯神像星居而不一維新之也維時有
 壽官牛山柏鄉者劉崑寶等四十餘人適來謁余言前
 事余喜得我心之同然遂以事白於縣縣侯富順錢公
 者雅有祭神如在之誠即首倡捐俸金拾兩其佐屬暨
 鄉士大夫與鄉民之好義者不假督勸率量力輸貲不
 數月得金數百遂鳩工聚財可因者因之可創者創之
 先建正殿次兩廊次樂樓次鐘鼓樓次山門門內旁建
 土地校尉二祠較前規模愈益宏濶雖於神無加而廟
 貌煥然神必妥之矣我錢公神道設教之意彰明較著
 盧子禱神佑親之孝久而彌彰吾前人秉心協助之誠
 亦藉是以不泯矣是役也起於甲辰仲夏落成於乙巳

孟冬邑庠生軒盜率諸其事者乞言於予謂先生倡之
 非先生不能記之於是援筆而紀其始末年月用以彰
 往而勸來者時萬曆三十三年乙巳十月也

玉皇廟在城西南隅舊志

真武廟在北門外同上明正德間知縣丁鉞嘉靖間知縣

王銳王察言毛孔墀相繼重修採訪冊明牛山木記

險建元帝廟以鎮之其來古矣正德間僅存故基邑侯
 丁公鉞敦典崇制鳩工飭材率義官石鳳儀重修嘉靖
 間王侯默軒爰衛以門丙午主簿秦公鏞復廣王侯之
 制爰翼以厦延四十餘禩而規制漸宏然日久就頽乙
 卯邑士夫少尹張公昂邑民袁東陽等圖新廟貌祇答
 神休請於王侯歷田富者捐財貧者捐力葺做剗陋拓
 垣崇址創中殿四楹既峻既碩即其荒臺土階各飭以
 磚高三尺許踰年而工告竣罔縻於官罔勞於民肅肅
 然美且備矣適毛公野直軫念旱災設壇於廟以誠禱
 於神甘霖旋沛信侯之精誠足以通神明而亦信神之

不昧有以鑒侯之誠也百姓欣然落之乃復述狀於予以請記予為詳其顛末如此

碧霞元君廟在東關外舊志一在胡近口村名曰泰山行

宮縣志

三皇廟在縣北侯村縣志

三官廟在河東同上

鵲山廟在縣西北西壇村同上

龍母三娘廟在縣東北五間房村北同上

龍天都土廟在河南疇同上

肥鄉縣

興福寺在縣東大靳村東魏武定元年建畿輔通志

崇福寺在縣東清漳村唐時建同上

案肥鄉志清漳村有崇佛寺福佛同音疑即崇福寺

崇興寺在縣東西高村元皇慶原作宋二年建畿輔通志

明洪武嘉靖隆慶萬厯間先後重修採訪冊元皇慶二年明王一

有僧悟高者稱崇興寺今直隸肥鄉距縣二十里湮於漳水之患迨洪武間僧大聰振頽葺陋繚垣崇址故宇攸復迨嘉靖三年延百五十餘禪於茲矣蛛簷蝸壁塵龕茅宇過者興嗟有僧法聚清海共惟崇修是圖迺倡十方之眾以功德圓果各捐貲力庸襄厥役建前殿四楹後殿六楹翼以廊衛以門棟宇巍然丹漆煥然頽陋一新法聚造余稽首而請記余謂汝釋子也知釋之所不遠於道乎知由釋之可以入道乎蓋道不外於性性不外於心而主靜適所以存是心養吾性也釋氏有見於靜而不知雖動亦靜遂過求於空色禪定以至髡髮燃指同此身此心於枯木腐石喪形滅性無所不至噫嘻夫人之心之所以累於物而不能靜者果倫叙形體

之日為累耶吾恐倫叙等天地形體得之父母外形與性則失其所以為人此固夫人之所必不能無焉者也夫其必不能無也則其必不能為吾心累也明矣而顧欲去其所必不能無者以使之必歸於無以求吾心之無累而思見性嗚呼惑亦甚矣此釋之所以遠於道也惟梵宇之修多遠於城市寂於山林光澄水月音虛鐘磬舉世之聲色貨利紛華豔麗無所亂其耳目心志於此幽棲獨覺冥思默悟以求斯道之正則地與俗遠心以地靜道以心得將自三途六道之為非而倫叙形體之不可毀也以動失者以靜得以偏入者以全出梵宇之修為不徒矣茲非釋之可以入道者乎若溺於恒沙招提之境自謂樹珠林飾寶地釋業卒矣不知釋之其修是淨宇耶古之所謂有髮頭陀寺又云舌上吐青蓮者汝知之乎昔韓公之於大顛蘇公之於佛印朝夕與語不少鄙焉者皆謂其釋名而儒行也汝亦為大顛佛印之言者也甯不思所以自振乎聚稽首日釋子不以寺之新為慶而以訓諸釋衆予曰斯道其有與乎子亦為慶願廣之以訓諸釋衆予曰斯道其有與乎子亦與言矣遂述以為之記 張學顏記略崇興寺在邑治

東西高村去城二十餘里許初建於宋元間維時基地尚隘閱歷茲久繕修弗繼漸入於微國朝隆慶年間清淮淨魁證遷興旺四僧復修葺之若前後殿若兩廊若山門僧舍規制始備迄今垂十餘禩殿宇傾頽牆垣圯壞僅蔽風雨其塑像殊不可觀者英蔡醇人而歎曰失今不治後將艱厥工矣因與寺衆畫計謀修之寺衆以工多費巨非得人固與成厥工僉舉僧中清淮輩有戒行素為人所信服堪領是事屢辭之弗克輒持鐸布告周流長者間眾皆翕然嚮應一時輸粟輸金者爭奔走之遂鳩工集材不旬月而工告成啟者新毀者葺朽者堅殿制肅如也金彩煥如也色象塑像嚴如也視昔大改觀矣工畢迺求記於予以存不朽若儒家流者與佛薰猶不同器惡能為彼道佛事哉雖然毀人非厚也過譽非真也為其事而無所宗於人焉非教也竊觀世之歸空者率多沾沾自肥日計衣鉢而已求其整飭沙門修舉廢墜者指不數屈淮等輩今首而修創之可以語起做維新之道矣若夫內境常空不淨不垢則又凡為僧者之所當知也夫佛氏幻化吾不暇究其顛末姑為是語以志不忘云

文殊寺在縣治西南隅元泰定中建明萬曆初邑人李

朝陽郭鳳翱碑募銅萬斤鑄立佛於羅漢殿前高二丈

五尺議者以邑之文運衰息由此為崇聚訟五十年

國朝康熙元年知縣焦服祖力主其事遷移城北井堂寺

五十四年耆善焦之棟等復移城中增修後殿五楹塑

泥像三尊雕木羅漢十八座今漸傾圮畿輔通志

清平寺在縣西西馬固村舊志

永安寺在縣西南南杜齊村同上

馬鳴寺在縣西大寺村同上

古瑟寺舊志及肥鄉志在縣西孟家莊西趙演堡畿輔通志

志

永興寺在縣西任家堡舊志

釋迦寺在縣西西韓村同上

石佛寺在縣西小寺村同上

井堂寺在縣北常兒寨畿輔通志郭鳳翱遷接引

明嘉隆間人文稱極盛一時科第蟬聯冠蓋接踵洎萬
歷初載忽有李朝綱者不知其為何許人乃捨身出募
於燕趙豫晉之間得銅數十萬筋欲建接引佛於邑之
文殊寺畚鍤已具而棟宇未啟爾時邑侯善堪輿聞其
事驚訝良久已而日果行則邑之僧肥民瘦矣即下令
寢格不行佛暴風露泥塗中者三年及邑侯遷秩佐貳
代庖朝綱尋出資緣舉之佛像連座幾三丈許而殿宇
轟出雲表東視文宣王廟高倍數尺嗣是肥邑諸巨室
乃漸衰微而每科登春秋榜者寥寥星可指此豈特
僧之肥民之瘦已哉議者輒歸咎朝綱妄建接引之故

民則無知土則攘臂而當事者以傳舍因循置若罔聞
迄六十餘年其議雖存其事未舉臨武焦邑侯莅任詢
其由毅然曰是誠在我乃託余相地於邑之北郭曰井
堂寺其地坦平夷曠極稱神居爰卜吉於今歲壬寅之
春二月初旬鳩集工匠移佛此地仍繕葺寶殿以覆之
不而月工告竣侯曰佛得其所矣不復受人挪揄而儒
風無阻從此彈冠鵲起所關於
邑之風化匪渺是不可無記

大覺寺在縣北後李文屯村舊志

慧明寺在縣北張兒寨同光緒初年重修採訪冊

南山寺在縣北長橋村舊志

觀音寺在縣北重名寨一在縣東北北高村同

白馬寺在縣東翟固村同

崇喜寺在縣東原固村同

明喜寺在縣東南南屯莊同

古佛寺在縣東五吉村同

天臺寺在縣西天臺山同

青佛寺在縣東積善村同

禪堂寺在縣北路家堡縣志

解脫禪林在縣西張兒莊僧性滋建畿輔通志

華巖菴在縣西劉家寨順治十年建舊志

修竹菴在縣西東馬固村同

彌陀菴在縣東十五里縣志今遺址無存採訪冊

觀音菴一名三教寺在縣東倪兒莊同治五年重修縣志

兼採訪冊 明郭崇嗣記吾肥之東三十里有鄉曰倪
兒莊莊之東北隅有觀音菴肇建不知何時俗稱倪兒
莊寺寺地十餘畝蓋諸僧耕種以供香火者嘉靖初兵
憲劉公行文拆毀淫祠凡境內寺觀之類芟伐殆盡茲
菴亦在毀中時先祖侍御受菴公鄉居嘗憇是菴有僧
王姓者法名常泰弟子慧杲具有戒行頗涉禪理先公
可其為人且憫諸僧之頓失所依也乃用價贖之為業
給帖為照寺由是獲存後數年有遊僧號圓寶者不知
何許人過是菴謂眾僧曰茲若建殿則眾有瞻依吾為
若化緣不知所往適有傭人于堂者力農辛苦積費三十
金觀殿成慨然盡捐所積塑大佛一尊鄉鄰靳從周趙
助輩又於兩旁建小殿二所塑伽藍祖師其歲月先後
皆漫無所紀隆慶二年鄉民張友者病目盲發願募緣
為寺樹碑雙日忽明至是碑完住持性如常泰之徒孫
也託趙助求予文為記予時方之河南僉憲朱暇文也
三年予以給假家居勸來復申前請且云先公嘗欲作
記貽寺以碑石未具而止願為文以續先志予聞之喟
然歎曰寺之興廢其僧之願為乎昔者達摩面壁而少
林顯忍師授法而黃梅彰慧能闡教而曹溪著皆因地

人重者也茲寺之初矮屋頽垣寥寥一菴而已向非先
公以常泰之故贖而存之則淪為民田鞠為茂草久矣
迺今殿宇輝煌佛像藻麗門垣翼翼鐘鼓鏘鏘巍然為
肥東名刹是可忘所自哉噫性如性明輩若能釋思常
泰之賢深明定慧之旨不愧衣鉢之傳則茲菴之勝將
與少林同芳黃梅關秀曹溪接武矣勗之哉勗之哉
國朝趙文濂記略大倪莊東北隅觀音堂一區興造始
末詳明僉憲郭公崇嗣碑迄今幾三百年矣棟榭重
鞠為茂草同治五年因祈雨有靈禦災有驗村民用重
加修整即堂遺址建山門三間大殿三間中奉觀音菩
薩後殿三間中奉古佛一尊旁殿二間中奉伽藍祖師
勤垣墉塗丹腹煥然一新而觀音堂頓復舊觀門下土
斯維邦等請濂紀其事夫兵興以來肥鄉之亂亟矣旱
蝗交迫焚掠頻仍惟東鄉尤甚而卒能風塵不驚易危
為安非神佛之庇佑不及此禮日能禦大災則祀之能
捍大患則祀之重修祠宇以答神庥非人心所不能自
己者乎或謂自明隆慶二年重修幾三十年日就傾圮
何神佛有靈於今無靈於昔乎曉之日作善降之百祥
作不善降之百殃禍福無門為人所召人心向化天心
自悔禍於其間昔則劫運未完雖有神佛力不能挽之

今則休祥疊錫故在神佛莫之為而為之所以彌災兵
遠癘疫者可不求其本乎因誌禍福緣由修建始末以
應其請堂東南隅有井一眼井內無數異
花作蓮花形香出井外亦一異也附記之

白衣堂一在南關一在西關一在學宮東南舊志

寶安堂在縣西十里今廢縣志

上清觀在縣西相公莊金元時建後為漳水滄沒縣志

惠照院在城南院有浮圖十三級臨風鈴鐸聲聞十里

明宏治間漳水入城傾沒畿輔通志

呂仙祠在縣東申家營有海嶽洞天記縣志

東嶽廟一在城東北明時建一在城東倉堡營唐時建

尉遲敬德督修縣志明嘉靖四十五年崇禎四年相繼重

修探訪册明張懋忠記略去肥鄉東十五里許倉坊

正殿寢第重門丹堊左翼碧霞宮地藏菴右翼三皇樓

子孫室其制巍然宏闊故我博士多樂來此讀書攷邑

乘肥鄉城舊在大寨村是廟應列城西今有城西村可

印滄桑兵燹不知更變凡幾而土木廢興亦不知更變

凡幾獨貞珉鳥迹鐫摩娑之僅存亦堪憑弔矣邑地

歲患陽侯王戍不保城郭幸平成稍復是舉興起於玄

流羣蠲力助嶽廟煥啟作邑東巨觀焉玄流為誰戴太

林抱琴自武當來者偕鄉耆善士克完是局開嶽廟重

新之日月焉輸金姓氏蟻然欲謀不朽咸泐石陰

真武廟舊在北甕城後改建北城樓上道光三年樓圯

知縣沈蓮生改建北關同治元年知縣楊毓柎仍改建

舊地縣志

三官廟舊志作三元廟舊在東甕城為漳水滄沒改建東門外

同治二年知縣楊毓枬撤之五年復建上同

姜子牙廟在縣西西韓集上同

碧霞元君廟一在西關一在縣西西韓集明梁桐記略我肥鄉西南

三十里曰西韓為巨鎮劫建元君行祠貨地二畝鍾水之坎也深丈餘附近居民爭負土填塞之為高址繞以垣南向作正殿三楹前作大廡外作門楹數伴正殿神以類附者左右稍卻亦南向作二殿合六楹翼以兩廊各三楹鐘樓一鼓樓一焚楮樓二各一楹鑿井階下以便供送背北向梵刹一楹東西向道宇二楹刻像塑像儼如也金采奐如也廟貌肅如也可以妥神可以陳祀可以崇敬偉麗宏濶甲多方矣肇造於嘉靖己亥夏四月曆十七稔乙卯冬十月落成費金以千數計皆人所樂供之倡之者馬虎等五人繼之者程鳳等四人守者張隆一人事竣請一在西屯莊一在屯莊營縣一在常兒寨明萬曆十三年重修有張學顏記採訪冊

九天聖母廟在縣西鄭家堡縣志

蒼龍廟在文殊寺右同上

雞澤縣

開明寺在浮圖鎮唐時建畿輔通志明萬曆間修

國朝康熙間重修採訪冊齊淑倫記略吾邑浮圖鎮河

寺創自有唐明萬曆中葉重修規模彌廓閱今已八十年餘珠宮紺殿光華剝蝕寒煙淒草鶴唳碑橫康熙辛丑歲更值封姨馮怒石走沙飛簷楹摧折虹螭震蕩幸有鄉士十數眾盛舉先倡不惜黃金布地諸檀越亦踴躍從事共作喜捨蘭陀鳩工玉寅葺事癸卯五閱月朱費如故繡椽重新璀璨琳瑯甲於一邑厥功偉哉

通惠寺在縣治東北隅明正統中因舊址建明一今圮

延慶寺在縣南楊家莊有碑記今坍塌探訪册

華嚴寺在縣西黃溝村舊志

廣濟寺在縣西東柳下村同上

石佛寺一在縣南駙馬寨一在縣南雁池村一在縣北

安上村同上

大乘寺在縣南臻底村舊志明萬曆二十四年重修探訪册

明杜縻記略雞邑南三十里許有寺曰大乘者所昉茲不可考前此修於武廟初厯今歲久傾頽崩損幾為狐苔有也邇僧人慶祿慶臻集善趙守祖氏等而新之工竟屬余為言以垂永久余曰聖王在御勸以爵祿止懲以刑罰止夫勸賞而懲誅必聰慧遐照之眾乃愚蠢未易以化以未易化也試語以佛有不誠心頂禮者乎故睹瑤宮玉宇則悚然敬睹黃幡寶蓋則欣然慕觀善化惡化天堂地獄之狀則憮然懼且敬且慕且懼則皈依

切茲舉即聖王弗廢也是爵祿刑罰勸其生前報善報惡繩其死後胥天下而自遠於惡也胥天下而果遠惡是亦治天下者之一術也則茲修豈得已乎是為記

崇建寺在縣東韓村舊志

崇慶寺在縣南西莊村同上

淨安寺在縣西焦佐村同上

崇興寺在縣西柏枝寺村同上

正教寺在縣東吳官營縣志稿

觀音寺一在縣東程官營一在縣南孫堡營同上

觀音堂在南門郭內同上

白衣菴在西門外半里俗名雞鳴奶奶廟同上

東嶽廟在南門外一名天齊廟同

真武廟一在縣治北縣志一在北門外明嘉靖三十九

年知縣張廷槐建採訪册明歐陽乾記略雞澤古名

神京冠蓋旁千萬商駢集誠一方之咽喉也而北門獨

缺非所以利民也於是始開北門往來者甚便之然門

雖設而猶未有關也嘉靖丙辰張侯柘村來莅茲土召

集民人立關時常守備至是民居稍聚商旅通行遂議

度地去城數百步建真武祠市民陳策等僉謀既同各

捐財請自董役而何姓善士自願施地東西三丈有奇

南北四丈有奇鳩工度材各鄉崇報本之誼者木植若

干磚瓦若干不煩督率勇於樂輸中為正殿前為小門

繚以牆垣植以佳木令居民之近者供洒掃役常為守

護不取公帑弗培民力起於丙辰三月落成於戊午十

月策等德侯之功請勒諸珉以垂永久乾忝司教稔知

侯政之及民觀茲盛事而樂道之遂不辭為詳其顛末

此如

三皇廟一在縣西東柳下村一在縣東舊城營縣志

三官廟又名三義廟一在縣西南馮鄭一在浮圖店一

在縣東北梁家莊一在南莊一在羅宮營一在柏枝寺

村同

玉皇廟一在縣治西一在縣西南亭白頭村同

碧霞元君廟在北門外金龍口舊志明萬曆十三年創建

崇禎二年重修採訪册明連三元記略碧霞元君祀

母徽號云夫泰山為五嶽首謂上帝宗子上帝行春令

生萬物必先獻元氣於東方元君峙東土擅鉅靈遂乘

之鼓橐振籥導宣衍敷於萬物萬物由此以大生是故

天地之乳而萬物之母故曰聖母又曰元君非簪珥補

展之所能像非青腹金碧之所能似非香燭醮幣之所

能饗者信然雞邑人民質直勇善類多齋資會旅馳走

東嶽絕巖以祀元君本邑向未有祠祠實自今肇創之厥地坐邑城乾隅橫跨長隄綿亘百餘里鎮塞西南瀟灑山水俱賴捍衛以故相傳為金龍口頃緣陳子有道等倡言誓眾曰元君天地元神也何所不在吾輩不能東獨不能祠吾土而祀之耶環堵肆筵奚啻千萬各出簣羽卜基筮日俶載於萬曆十三年三月十八日不踰數旬元君宮闔巍煥聳轟一方士民嘖嘖駭壯觀矣

一在西要莊一在城隍營一

在駙馬寨

縣志稿

九天聖母廟在縣北毛官營

縣志稿

二郎廟在縣北魏青隄

同上

五道廟在縣治北

同上

閻君廟在縣東西要莊

同上

廣平縣

景明寺在縣北張村有漢光武御製碑舊志明邑人馬子

聰作記

縣志

案採訪冊寺今止存前後二殿餘俱圯碑四皆斷仆土中不可復識馬子聰記亦無考

崇福寺在縣東平固店唐時建舊志明宏治間僧悟能重

修伽藍殿縣志寺內有塔高十三級號凌霄塔

國朝康熙五年重修嘉慶十三年山右劉克昌暨姪漢疆

一律修整

採訪冊明王昂記略廣平之平固鎮有寺

度亦頗嚴整獨伽藍諸殿未備為缺典焉至宏治丁卯有僧悟能擇前殿左旁創建伽藍一所迄今垂六十餘年風雨頽折欹斜莫理僧會妙恐其日就於傾圮也乃慨然以興廢為己任於是矢心協謀化於鄉耆之尚義

者各施貨貲計足贍用卽鳩工營材大加修飾更塑肖
 像煥然一新殆爲木剎增一偉觀也經始於丙辰春王
 正月越三月而底績懇予爲記僧質淳性慧守法持公
 先是佛殿之增修門宇之創立俱有成蹟而祖師一殿
 又將爲之就緒云余故嘉其勤而爲之記 國朝鄭長
 年記略縣東平固店邑之巨鎮也東街舊有崇福寺規
 模宏整金碧光輝而其中高聳出雲去天尺五如大人
 元老俯視萬象者則凌霄古塔也趙宋元豐間有高僧
 來隱於此託迹禪室法號智英建天花院於其中雖名
 釋氏實則儒行日與正人君子講習其中髣髴湖鹿
 洞之意奈滄桑以後鞠爲茂草士君子遊其地能不目
 覩心傷哉丁卯春山西過客劉公克昌路經其地羨浮
 圖之高聳歎廟貌之摧殘位願重修捐金三千本鎮秀
 士郝子國臣欣然糾首庀材蠲吉不二載而落成焉秋
 九月余展禮於此觀其繡楹畫棟上蔭層雲高閣飛軒
 平臨大野金姿旣妥寶相永安雖無靈山香火共引澄
 鮮而花照枝交亦稱淨域矣維新之功較之古昔
 蓋增盛焉邑人請余爲文書以與之永貞諸石

龍泉寺在縣西小馬家莊唐未有龍湫泛溢縣志今湮沒

無存

採訪冊

千佛寺在縣治東

畿輔通志

有閻禹錫碑記今圯

縣志

尖兀樓臺插碧霄佛天無地不峩登高四望遙聞偈
 疑向寒江聽夜潮夏顯煜詩寶閣嶙峋倚雉開塗丹
 聖漆壯崔嵬祇今大雪連蜷後更覺層梯擁鏡迴萬里
 雲橫金碧洞百年人到水晶臺公餘登眺眸全放收得
 西山爽氣來

興國寺在縣西油房村

舊志

有馬呈書碑記今圯

縣志

崇勝寺在縣東韓村明萬厯間重修有馬明謨碑記採訪冊

婆留菴一曰婆留寺在縣東南卜頭村相傳石佛自水
 流下有齋婆拜而留之遂曰婆留菴石佛後爲回回擊

破明萬曆十七年有老仙至其地見石佛雖毀玉色尚

存請於縣建寺塑像題曰婆留寺

縣志兼採訪冊

王夫人殿在縣境

縣志

今廢不可攷

採訪冊

天花院在縣東平固店崇福寺中宋元豐間建

鄭長年碑記

大士居在縣西南馬家莊明成化時建萬曆二十一年

重修

採訪冊

明王世揚記略縣西六里許有大士居

淨土一區構堂三楹植柏六株於階下迨正德六年始
肖大士像而祀禮焉歲久棟宇漸就傾圮敗壁空梁頓
見蛛絲燕泥神無憑依人人隄歎萬曆二十一年有環
會孫劉潤乃謀及同鄉約正馬近光暨馬族士大夫各
捐貲若干鳩工庀材新厥堂厦築厥垣牆西北隅建鐘
樓一懸以警晨夜其南葺一草廬飯僧其中令司香火
堂之後勅立文昌祠三楹而春秋蘋藻之廟貌鼎峙金
碧輝煌聖像莊嚴壇儀肅整而瞻拜趨踰於宇下者孰

不凜然起敬乎惟是鄉之醫官馬五惇鄉民馬補袞等
伐石以記厥事來懇余言遂書其原委俾鑿諸石用垂
不朽

觀音堂一在城內南小街咸豐五年重修一在南門外

明崇禎間邑人韓國士施地創建韓閻燠王受人先後

續修

國朝同治十年重修一在城西南馬家莊又名觀音祠明

成化時建

國朝康熙十五年雍正十年各修乾隆六十年知縣孔廣

什重修道光二十年復修

採訪冊

明董復亭記略廣

垂有觀音祠不知勑自何時建自何氏祠前老柏干霄
蔽日殆百餘年物也俗傳我明憲宗時有僧姓趙者於

此建祠未完而僧坐滅迨武宗龍飛之六載其徒道聰復行勸化始完厥功此說近似而無徵姑存之爾今上御極之廿一年簷宇傾頽金彩剝落曩時齋參祈福之地竟為狐穴逐逐之場居民馬允馬三恕素奉佛戒觸目興嗟乃與勸四方布施金帛若干重葺棟宇浮碧飛霞男女瞻禮拜者祈祈如雲煥然一勝境福地矣有信士馬復麗詩禮裔也因憶往纂邑乘凡境內神祠碑記俱探入刻此祠大而且古緣無碑記輒遺佚不載殊可恨惜乃謀於馬允馬三恕馬三捷勸眾樂助勒碑以紀其事磨成託馬生鞏問記於余余維是祠也繞漳抱隄坐離面坎正殿三楹中塑觀音菩薩做唐時顯化吳道子所傳真像兩旁前後環塑十八羅漢及川嶽靈應奇迹外厦三楹以蔽風雨且為焚拜地左樓一座懸鐵鐘一鈕係萬曆二十三年三月十四日王進朝劉大用等監鑄重一千斤地南北長十七步三尺七寸東西闊二十二步四尺新碑立於祠左螭頭連屬坐共高一丈五尺督工者馬復麗馬三恕馬三捷等司鑄鑄供焚滌一在者僧慶堂也凡布施男女若干人姓名列於碑陰

軍營村有碑記

縣志

玉皇閣在東關外東嶽廟後順治中貢生王俞巽施地

創建

縣志

後移建城內千佛寺西道光十三年光緒十六

年先後重修

探訪冊

東嶽廟在東關外明時建一在孟固鎮

舊志

明崇禎二年

重修

國朝康熙四十四年王時稟同治六年王哲等先後續修

探訪冊 明陳廷謨記略癸亥之秋余有事於東都假道廣平路經行孟固鎮駐龍泉望鵞浦出鎮之東郭見小溪映日古木籠煙若隱若見之間忽覩一門屏顏其額曰東嶽神祠余入而瞻拜焉丹已退垣已傾因拂拭理殘碑字乃名豸史馬公諱明謨者紀其事係隆慶五年善士陳經等募神赫奕乃施地捐貲為殿三楹作貌莊嚴燦然而威迄崇禎二年廟宇少壞像貌弗光經之孫惟楨痛神祠之不煥踵先人之芳踪遂勃然興思曰

此吾先祖之所建也何至頽敗乃爾於是謀於鄉眾喬國仕王國治等同心竭力以竟迺事託賈生三傑徵文於余余曰此非孟固鎮之東嶽神祠乎賈生曰然余昔過其處瞻其像理其碑今復就余而為文紀物理圓缺人事鼎新正可發今昔之異感云遂援筆以書

真武廟在西關外舊志明萬曆二十九年創修

國朝順治十五年知縣高爽重修探訪一在馬家莊明嘉

靖間建崇禎六年重修同上明李樂記略吾邑馬家莊東南隅有真武廟乃嘉靖年

間甲辰進士平遙令東廬馬公所建嗣後其子若孫如豸史步庭今署長史象東庠生伯昌孝廉伯止為諸生時嘗讀書宇下相繼修葺年久廟貌摧殘有會首馬君習詩等置香火祭田供羽士之資業已記於石越崇禎六年予內親胡君應科復捐貲庀材造神龕一座金其聖像創建三門規模宏敞煥然聿新美哉可以棲神祈福矣諸善人欲泐於石以志不朽為敘其顛末如此

古蹟略 寺觀下

邯鄲縣

爆臺寺在縣東北十五里爆臺寺村舊志作二十里誤元至順

間建明永樂中修明一統志

國朝康熙間重修採訪冊溫毓泰記吾邯有爆臺寺助

之說言池水為厲居民積薪焚之水盡而石佛出遂建寺鎮之事近荒唐但邑志載寺宇十有九而爆臺之名最古餘皆其派分也寺坐沙隄橫亘逼近山門而內纒之勢焉最可異者南面沙隄橫亘逼近山門而內纒塵不入若有神物障之者然又地勢外高中平夏秋濤潦動盈階墀乃雨止而水已隨涸從無浸潰之患種種靈奇當為寶地無疑矣余每擬築舍其旁為讀古地而未獲遂也間聞其盛時三殿巍峩重樓特起方丈香廚

各極幽致為吾邑東北麗觀年遠殿宇傾圮風雨荒涼
僧澄堂了秋了凡了意輩謀於護法任承年善眾王那
佐等發願竭力募化重修山門天王殿毘盧明王等殿
俱漸次修理獨羅漢大殿材費宏侈自康熙壬寅歲迄
今十有餘年大功甫畢蓋緣歲歉人貧非時日之曠也
既成立石以誌不朽近里人囑余為文余何知佛教哉
第心儀其盛久矣
因援筆而為之記

大乘寺在西關

凡余治郡五載仙寺梵宇橋梁道路以
修築告者無虛歲而余概未之禁從民便也邑西郭大
乘寺冠邯所屬諸刹為邑士民祈福之善地歷年久遠
風雨剝蝕其近寺居民郝三湖宋湯裔等從事重修業
經數載當余莅事之次年丙子春謁余於廳事請命興
作以畢乃役寺之建也莫稽其所自開拓殿宇增設配
殿門垣以及方丈庖廩在明成化丁酉蓋其經營則寺
僧崇祥而觀厥成者則前合六合黃公諱縉也歷百三
十年萬歷己酉邑紳銓部郝公大猷始有重建之役迄
今乙巳住持供儒復事修飾中殿之前接置拜殿乃功
未就而逝其徒澄界續成之而神像之剝落簷阿之凋

殘縹垣之缺略均未暇及也邇年寺僧時有斷續湖等
居寺左右不忍坐視傾圮募緣修飾先水陸殿次中殿
次伽藍給孤兩配殿再次接引佛殿天王殿並繚垣山
門由後而前選材鳩工漸次就理維今庚辰工告竣謁
余徵記勒石用書為記以標其
始末助緣姓名則仍筆之碑陰

龍興寺在縣西北二十五里姜家窰

同上 明張成教

溪美人隨處占幽棲橋頭放鶴肩常聳洞口尋詩手並
攜禪院煮來黃石輭梵鐘敲盡白雲低閒鷗影裏懸歸
路多在龍池古木西 又福上人山房詩地僻
開蘭若松蘿碧繞門看經成獨坐月下一聲猿

禪房寺在縣西南三十里閻家河

舊志

龜臺寺在縣西二十里蕭家河

同上 今改為五星書院 縣志

興隆寺在縣東三十里東里堡

舊志

緣慶寺在縣東二十里代召村

同上

賈國寺在縣西八里百家村同上

青塔寺在縣西二十里霍壁村同上

洪福寺在縣東南十二里南堡村同上

興教寺在縣東二十五里杜家村同上

月愛寺在縣東北二十里上壁村同上

龍行寺在縣東二十里賈村同上

雲蓋寺在縣東北二十里鴨池村同上

隆慶寺在縣東北二十里趙壘村同上

重華寺在縣南二十里張莊同上

西塔寺在叢臺下同上

古塔寺在縣西北二十五里三陵村同上

龍泉寺在縣東十五里上宋村同上

興國寺在縣東南二十五里河沙鎮同上

慧雲寺在縣南二十里崔曲村同上

靈芝寺在縣北五里鋪南僅存基址縣志兼採訪冊

竹林寺在縣西三十里紫山上縣志

佛光寺在紫山下同上

圓覺寺在縣西南十里酒務樓村北縣志稿 麻青詩 小橋通古寺梵塔

夕陽明山抱千重紫溪環一帶清短垣延野 色長笛送秋聲但覺吟身健詎關空色情

東明觀在西門外舊志元至正間建明一統志

玉寶觀在縣西北四十里紫山下縣志

雙泉觀在縣西四十里姬家莊同上王寬記略邯鄲邑西四十里許有觀名雙

泉焉由來舊矣觀有三皇祠其地清幽層折環抱紫山望之蔚然而深秀洵勝蹟也余初入膠庠時攜二三同志讀書其中值盛夏坐綠陰漱流泉清風徐來披襟當之恍若別有天地焉歷年久遠廢瓦頽垣不勝荒涼之感竊有志重修而未逮也今住持道士名仁貴者集眾會議首推善士鄭國興李定國鳩工庀材分董厥事首山門壯觀瞻也次羣垣大扉藩也次經堂次廚室安住持便焚修也不甯惟是又於正殿上新創三皇閣三楹自後左鐘樓右鼓樓以次而成規模宏遠一望森然前之茂草瓦礫者今已輪奐增輝矣此雖出眾力孰非仁貴勇猛向善數年勤苦募化之功哉是役也經始於雍正十年四月落成於雍正十二年工既告竣問記於余聊述其源委如此

長春觀在縣西十五里齊村舊志

修真觀在縣東二十里胡家莊同上

修真觀在縣東十五里西留莊同上

崇真觀在縣東南十里北堡村縣志

呂仙祠俗名黃梁夢在縣北二十里王化鋪明宏治十

一年知縣盧錯重修舊志兼採訪冊久廢

國朝乾隆五十一年河南巡撫畢沅捐修三殿前有橋有

亭並新之其東為八仙閣王昶雪鴻再錄祠門外照壁鑄嵌蓬

萊仙境四大字傳為仙筆採訪冊唐沈既濟枕中記

神仙術行邯鄲道中息舍攝帽弛帶隱囊而坐俄見旅中少年乃盧生也衣短褐乘青駒將適於田亦止旅中與翁共席而坐言笑殊暢久之盧生因其衣裝敝褻乃長歎息曰大丈夫生世不諧困如是也翁曰觀子形體

無苦無恙談諧方適而歎其困者何也生日吾苟此生耳何適之謂翁曰此不謂適而何謂適耶答曰士之生世當建功樹名出將入相列鼎而食選聲而聽使族益昌而家益肥然後可以言適吾嘗志於學富於游藝自謂當年青紫可拾今已過壯猶勤畎畝非困而何言訖而目昏思寐時主人方蒸黍翁乃探囊枕以授之日子枕吾枕當令子榮適如志其枕青瓷而竅其兩端生倪首就之見其竅漸大明朗乃舉身而入遂至其家數月娶清河崔氏女容甚麗生質愈厚生大悅由是衣裝服御日益鮮盛明年舉進士登第釋褐祕校應制轉滑南尉俄遷監察御史轉起居舍人知制誥三載出典同州遷陝牧生性好土功自陝西鑿河八十里以濟不通邦人利之刻石紀德移節汴州領河南採訪使徵為京兆尹是歲神武皇帝方事戎狄恢拓土宇會吐蕃悉抹邏及燭龍莽布支攻陷瓜沙而節度使王君奭新破殺河湟震動帝思將帥之才遂除御史中丞河西道節度大破戎虜斬首七千級開地九百里築三大城以遮要害邊人立石於居延山以頌之歸朝策勲恩禮極盛轉吏部侍郎遷戶部尚書兼御史大夫時望清重羣情翕習大為時宰所忌以飛語中之貶為端州刺史三年徵

為常侍未幾同中書門下平章事與蕭中令嵩裴侍中光庭同執大政十餘年嘉謨密命一日三接獻替啟沃號為賢相同列害之復誣與邊將交結所圖不軌下制獄府吏引徒至其門而急收之生惶駭不測謂妻子曰吾家山東有良田五頃足以禦寒餒何苦求祿而今及此思衣短褐乘青駒行邯鄲道中不可得也引刀自刎其妻救之獲免其罹者皆死獨生為中官保之減罪死投驩州數年帝知其冤復進為中書令封燕國公恩旨殊異生五子日儉日儔日位日倜日倚皆有才器儉進士登第為考功員外儔為侍御史位為太常丞倜為萬年尉倚最賢年二十八為左袞其姻媾皆天下望族有孫十餘人兩竄荒徼再登台鉉出入中外同翔臺閣五十餘年前崇盛赫奕性頗奢蕩好佚樂後庭聲色皆第一綺麗前後賜良田甲第佳人馬不可勝數後數年漸衰邁屢乞骸骨不許病中人候問相踵於道名醫上藥無不至焉將歿上疏曰臣本山東諸生以田園為娛偶逢聖運得列官叙過蒙殊獎特被鴻秩出擁節鉞入升台輔周旋中外綿歷歲月有忝天恩無裨聖化負乘貽寇履薄增憂日懼一日不知老至今年逾八十位極三事鐘漏並歇筋骸俱耄彌留沈頓待時以盡願無成效

上答休明空負深恩永辭聖代無任感戀之至謹奉表
 陳謝詔曰卿以俊德作朕元輔出擁藩翰入贊雍熙昇
 平二紀實卿所賴比嬰疾疹日謂痊平豈期沈痼良用
 憫惻今合驃騎大將軍高力士就第侯省其勉加鍼石
 為予自愛猶冀無妄期於有瘳是夕薨盧生欠身而寤
 見其身方偃於邸舍呂翁坐其旁主人蒸黍未熟觸類
 如故生蹶然而興曰豈期夢寐也翁謂生曰人世之適
 亦如是矣生撫然良久謝曰夫寵辱之道窮通之運得
 喪之理死生之情盡知之矣此先生所以窒吾慾敢不
 受教稽首再拜而去案是記一作李鄴侯撰金元
 好問詩死生來不一身定知誰妄復誰真邯鄲今日
 題詩者猶是黃梁夢裏人元陳孚詩山形天矯蒼精
 劍日氣瞳矇紫磨丹度盡世人人不識青煙起處是邯
 鄲明顧可學記略嘉靖己酉中秋少師秉一真人恭
 誠伯林隱陶公仲文奉命有事於泰岳太和山道出邯
 鄲參謁呂翁祠見其祠宇頽圯規模狹隘不堪瞻禮惕
 然與懷敬奉上齎帑銀界從行太常寺丞龔佩董其
 事而新之時巡撫少峯商公大節巡按漁浦項公廷吉
 知府治山翁公相協誠贊理越三月而厥功告成魏焉
 煥焉誠一時之偉觀也庚戌八月公以是聞於上且請

制額有感聖心親賜宸題名曰風雨隆一仙宮即命工
 部置匾差禮部卿少湖徐公階往行安謝禮頃以禦戎
 多事踰時尚未及行公因思昔過邯鄲之時夢一老人
 歌天下人安我亦安之句今綸恩久降烽烟既息仙宮
 安謝之禮不可久虛乃請自行上嘉允公領命恭齋御
 額復至邯鄲仰觀厥成而門楣低隘不足以尊承制匾
 比者巡撫居麓艾公希涪巡按古泉盛公汝謙繼臨茲
 土暨知府翁公相等相與圖之因別構一房於山門之
 前以昭隆沃而綽楔翬飛天文照耀煥然改觀故茲宮
 得以永傳不朽者固秉一公崇修至意實皇上天恩之
 所施及抑亦前後諸公秉心協襄之力也明李東陽
 詩舉世空中夢一場功名無地不黃梁憑君莫向癡人
 說說與癡人夢轉長何景明詩落英蕩漾古水濱邯
 鄲城邊逢暮春趙王臺榭草花盡呂翁祠堂松桂新馬
 上十年元是夢世間何處可還真黃金白髮俱閒事赤
 日紅塵愁殺人王崇慶詩惆悵邯鄲路仙翁不復遊
 野花猶入眼蔓草自驚秋落雁荒村夕行雲過客愁古
 蹤俱是夢何用羨丹邱唐順之詩呂翁祠堂漳水曲
 高秋爽氣何氤氳松間隱隱鳴仙樂簷際時時駐彩雲
 浮生一夢誰能度羽客千年不可羣未須白首牽朱紱

重刊唐書卷之八十一 寺觀下

欲向丹邱訪赤文 張第詩盧郎曾此歎窮通偶爾長
途遇呂翁萬里行藏孤枕上半生消息一爐中迷來種
種皆成癡覺後依依總是空安得復迎仙鶴駕黃梁舊
店火新紅 劉餘祐詩莫道盧生夢未真百年惟剩此
殘身浮雲蒼狗終何在試把閒心閱過人 張棊詩乾
坤一夢境去住皆幻鄉人生歟若代不啻榆與桑邯鄲
古名區車馬日相將平原客三千俠氣凌秋霜生死五
步間千秋墓兩行盧生彼何人矯如鴻鴈翔回首視若
失嗟哉空斷腸 詹榮詩一枕大幾許一飯能幾時百
年廢與興胡為俱在茲呂翁本無心盧生原有思是以
夢想間彷彿猶見之逐逐紛華場頃刻復何吝魏哉魯
仲尼志與周公期寥寥幾百年夢寐如相知名與天地
長奚猶黍一炊呂翁不可求斯人乃吾師 國朝白秉
真記略今 天子之七年奉 上德意賑饑於
畿南過呂仙祠入而瞻拜焉蕭蕭然若有靈氣往來顧
魏宇崇階將就傾圯因捐俸俾有司重新之前為鍾離
殿示有所承也後為盧生卧像示有所授也東偏為老
君祠東華王母諸殿閣示羣仙總歸一真也前安丹房
畫入卦呂仙殿峙其中如在十洲宮闕云或曰盧生之
夢不過一熟食時何見乎丹竈之在是也不知仙家五

行具備入於無則蓬壺皆空虛之宇出於有則一彈指
而蒼崖翠巘丹宮碧館隨嘆映而顯相安知不以蓬壺
為羣會之區以此地為獨憇之府耶今則輪奐聿新復
道迴閣蓮池繚垣之俱備焉登高望之沼溢汪澤於北
源聰紫浮光於西嶠南清漳水之波東懸海岱之日即
仙侶神光隨風現影使後人過此知周蝶皆真鄭鹿非
幻惟勉為朝家襄事道功成身退隨赤松子遊去則呂
仙亦可安然坐此無煩乘雲而下騎鶴而上之汲皇矣
余竊志焉而未逮也因其落成為之記俾夢者醒焉
張漢記略黃梁距邑城二十里許南與叢臺相望左滌
溢水右拱紫巒鬱鬱葱蔥氣象萬千自陶恭誠賁命虔
修後名流貴介韻士騷人多憇於此誠勝蹟也督院白
公承 命賑畿南道出邯鄲履仙迹瞻道貌徘徊久
之如有所感乃捐金庀材飭新其宇視舊制益加擴焉
鳴呼生直以夢見云爾哉今考枕中記所載當其侈土
功鑿河渠利賴一時視守敬疏溢灌田之議莫善於此
矣當其擁節鉞摧強敵擴地千里視馬服北山據勝之
雄莫強於此矣當其崇盛赫奕後宮聲色備極綺麗視
武靈天橋雪洞梳粧翠被之奉莫適於此矣蒸黍之際

重修廣平府志 卷四十一 寺觀下

一飯之間舉一切可榮可辱可生可死可窮可通之狀
 無不萃焉芥子須彌之喻想如是耳生直以夢見云爾
 哉夫寵辱之道生死之情窮通之運未可以幻也欠身
 而寤黍向未熟安知其為真也非真非幻胥一夢焉盡
 之第盧生一夢即覺世人終夢無覺也盧生雖夢亦覺
 世人雖覺亦夢也謂其與守敬馬服武靈諸君同耶異
 耶謂其與守敬之濬盜馬服之名山武靈之雄臺無不
 同亦可於是而譜其遺迹迺其流輝安期抱樸之逸蓬
 瀛金闕之麗不啻在目中矣生直以夢見云爾哉是役
 也鳩工戊申壯月告竣於己酉相月計其時則期年之
 久計所費則千金有餘其樂助好施者本郡太守劉公
 光榮署篆大名府郡丞王公者都邑合張公慎發承委
 監修則都司李盛林縣尉毛鳳德才官任聖功生員王
 璧張天相咸與有功焉 王植詩華胥一夢想當然最
 笑夢前早說元世外浮雲都幻影人間實地却真詮黃
 梁漫問何時熟青枕誰將底事傳我自惺惺醒不寐轉
 教凡子度神仙 吳穀詩蓬島瀛洲路渺茫塵緣淨處
 即仙方任教朱絳隨身老騰得黃梁到口香枕上睡人
 醒已久門前行客夢何長從今便欲投簪去為訪盧敖
 出大荒 梁清標詩碧樹陰中店早炊鄉人爭拜呂公

祠依然前度重遊客仍是黃梁未熟時 四十年前境
 軒輶此再過炊煙茅店在樓閣夕陽多霜落收禾黍亭
 秋老菱荷枕中人未寤車更向南柯 查慎行詩幻妄
 浮生豈有涯何妨鼠穴駕牛車貪兒好作遊仙夢怪事
 偏傳小說家古道蹇驢多北向空庭 秋日又西斜人間
 官賤黃金貴乞與燒成九轉砂 畢沅詩蟠桃花落絳
 霞開採藥船輕風引迴參破眼前樂 粹理輒紅塵界即
 蓬萊 藝語喃喃聒耳喧金丹何處問真源乞師肯上
 龍泉劍借與癡人斬鈍根 福地高攀鐵鎖尋鴻都曾
 記鶴書臨卅年未醒遊仙夢雲鎖終南紫閣深 繁華
 彈指境推移未抵黃梁半晌炊 一枕漫勞師點化自知
 出夢已多時 琴心內景證前因 金鼎焚香注語真鶴
 背有人莞爾笑神仙也是夢中身 擾擾營營夢不同
 夢迴底事不成空 古人萬變無成局 難出先生一枕中
 鼎新雲構結清緣 宿願虛酬隔一年 本是夢中還是
 夢 偶然游戲即神仙 吳中彥詩世事誰分假與真萬
 千變化總前因 先生一睡留遺像 我亦邯鄲夢裏人
 黃梁未熟夢離奇 富貴功名一霎時 識破元機增定力
 回頭喚醒 是貪癡

成安縣

匡教寺在縣南二里許曹溪二祖慧可說法處隋開皇

初築臺明代相繼重修

大清一統志

國朝嘉慶元年知縣薛鑑重新說法臺縣志光緒三年知縣

蘇殿華十九年知縣戚朝卿修葺

縣志 邑西南一里許有臺

相傳隋開皇間僧慧可說法於茲有墜花湧蓮之異閭
羅亦臨聽焉世遠獨遺一荒邱至我明嘉靖己未兵憲
陳公過之謂崇其臺可與氣運倡議修築臺高二丈餘
四面包以磚石臺上建閣閣中塑佛像千餘東西建伽
藍二殿臺北建前後二佛殿臺前建閭羅殿南向山門
西向歷數載而工落成亦云備矣至萬曆壬寅秋廩延
劉侯至覽斯古蹟歎曰異哉佛居臺下位置未免失宜
因購地拓而大之臺上易以二祖像下東西建閭羅殿
各五楹宛爾聽受者前建始祖殿三楹以示衣鉢之源
移伽藍殿於前之左右各一楹南建山門三楹東西復

設便門以通往來二佛殿亦稍加補葺焉斯工也制度
咸由禮定規模悉以義裁井井翼翼壯麗宏敞歸然一
勝概哉緣余亦共僉謀者遂屬余記 李齊芳記畧成
邑西南距城三里許舊有臺址父老相傳曰慧可說法
臺與國朝一統志所謂達摩慧可說法於茲者不無大
同小異考諸語錄所記但曰慧可既受達摩衣偈乃遊
鄴之成安說法於匡教寺茲臺所由築也於是辯和
興謗償債泝流之說事在開皇十三年時達摩終於禹
門已久當以父老所傳為信歷唐宋金元垂八百年於
茲矣漳水泛溢日就傾圮嘉靖乙未邑侯麻城劉公諫
過而歎曰斯古蹟也可坐視廢哉乃相與謀築時副憲
陳公見吾稱博物且明堪輿理適以巡歷之暇尋求往
迹劉公以是告且往觀曰火居離位崇是則邑之才其
有興乎於是邑士大夫力倡修崇而沙門又皆以其說
鼓之鄉民踴躍施地輸財有差遠邇聞風趨役者無慮
數千人不旬月臺崇若干丈廣若干丈前為門三楹後
為殿三楹殆浸浸乎告成矣值庚申歲饑役為暫輟越
明年辛酉邑庠士領鄉薦者四又明年壬戌貢士登甲
第者三始信陳公之說為不誣云古鄴劉公希尹適以
是歲牧吾邑謂政先人才而臺之興廢則才之盛衰也

益鼓舞趨事為閣於臺上高若干尺崇檐峻宇金碧交輝巍然邑南一偉觀矣翼以廊比以方丈繚以周垣癸亥歲秋月落成屬余為記云 國朝遂續記畧吾邑城西南里許舊有二祖神光說法臺即古之匡教寺也創於隋盛於唐迄宋元明代有增損邑乘載之甚詳至我聖祖仁皇帝中年屢遭漳水之患牆垣臺閣盡隨河伯而逝祇餘後樓三間歷年風雨摧殘僅存屋壁甲寅歲河東范別駕來攝茲篆首倡捐修而閭閻男婦歡騰四野包土築臺不日崇高幾盈畝計矣嗣後關中薛邑侯建樓江西譚邑侯建殿歲戊午山左孫邑侯來守是邦復捐俸增修庀材鳩工大擴其制於後樓塑如來佛三尊樓上塑玉皇二角樓乃登樓之磴級兩廂各建三楹塑菩薩像又於前殿塑佛一周列羅漢十八後厦一楹則韋駝也東西並建三楹東塑二祖佛西為遊宴所前建山門三門兩旁塑金剛四像鐘鼓樓各一楹門之東臺高一丈有餘廣一丈有餘北建亭一座週圍牆垣廓然大備今 上御極之九年春山左白邑侯躬膺 簡命撫茲茲土政簡而和鳴琴而治邑之士庶挽捕廳况公以無田養住持為請遂慨然捐地十五畝藉非我侯留心地方俯從人願安能保無風雨漂颯樵牧

踐履之患也哉 明白南金詩僧自何年去臺因說法存憑虛思往事弔古問空門草暗傳衣地煙銷乞食村不知龍聽否花雨尚翻盆 阮吉詩梵宇傍林阿層臺倚檐際不見雨花人空餘布金地輝輝慧月明冉冉法雲霽光寒逸思生塵遠境偏異暇日對禪僧虛名愧匏繫 張懋猷詩水荒城郭浮郭盡見孤閣獨往暮天淨且用謝雜還此臺凡幾廢徇名費周而簷低檻又逼俯視厭昏黯所忝人天境殊不得開闔嗟哉此泥途秋風日蕭颯 蔡可教詩何年有此說經臺人道傳經佛子來認得吾生纜舞象但見一邱斗大沒蒿萊倦遊宦海歸來後忽見深林梵宇開梵宇之南突高閣西山直與同崔嵬年來漳水繞城郭一灣如帶山門迴龍潛蛟舞那可測為雨為雲徧九垓吾邑大夫中土彥登高攜我擔樽壘憑欄一笑弔千古相朝佛子胡癡哉萬方聳瞽已成癖金鐸當年空震雷君不見千手有遺指千目有遺眎指視愈多人愈惑何如面壁遠塵埃塵埃本自靈臺起屏息忘言作聖胎雨花不動諸天淨隱隱神光接上台 吳維東詩翟官人何須怒姬和尚償汝負刀頭左臂雪中身四大非真久已悟花縣甘棠翦即休說法臺邊漳水流臺西北水西游荒村古塔名二祖 王孫

昌詩謫仙為政澹無營坐對冰絃鶴不驚有時染翰烏
 皮凡有時中聖竹葉清乾坤節序屬重九選勝登高向
 林藪城南傑閣真凌雲天門咫尺摘星斗磴道如經五
 丁開捫蘿踟躕陟良久憑欄真箇小人寰何須天柱峯
 頭走近水迎眸白練橫遠山閣筆丹青手砧杵薄空和
 雁鳴窸窣西風木葉吼齊梁燕趙結比鄰茱萸掩映如
 澗酒為問當年說法人滄溟幾度變田畝立雪斷臂事
 有無一花五葉仍開否今人徙倚古人臺古人豈料今
 人來今古分明傀儡場石火電光轉盼哉君不見龍山
 落帽孟參軍落帽風流天下聞了不容思詩滿箋才有
 高名垂典墳又不見昔日藍田崔氏莊短髮白憤任疏
 狂全憑性癖驚人句迄今騰騰琬琰光富貴功名見睨
 冰賴有作者氣馮凌賢侯結撰自不朽學步邯鄲慚不
 勝曹溪此日留高蹟千載還知我輩登大道本無言
 法從何處說築臺非
 祖心獨立少林雪

圓銘寺在縣西十二里郎堡村唐太極元年建有古柏

石佛圖俱千年遺迹

大清一統志今僅存舊址縣册

霧觀寺在縣東北十八里閻村店中有塔唐天寶間建

明永樂正德嘉靖間相繼修

畿輔通志

國朝順治十五年重修

縣志

今塔倒坍僅存舊址

縣册明

君不見霧觀寺中窳堵波幾番倒影入漳河落成天寶
 十三載鈴鐸纒懸擊鼓過揭來郭李與安史忠魂逆骨
 同銷磨遊人但見天寶字爭唱元詞與白歌蔡可賢
 詩古寺荒原一徑斜寂寥孤塔鎖煙霞飛身直上三千
 尺極目蒼茫十萬家忽覺清風吹鬢髮頓疑塵
 世隔雲沙登臨不盡虛無盡天上遙聞演梵車

廣福寺在縣西十二里夏陽村唐元和十三年建舊志明

宏治六年重修縣志

文殊寺在縣北十五里河疇村宋熙寧五年建舊志明宏

治十六年重修縣志

案通志及縣冊縣北十五里有普賢寺建造重修年

月與文殊寺同當是一寺今廢

洪覺寺在縣西南二十里徐村金大定初建舊志明永樂

正德間重修縣志

圓照寺在縣治西北明洪武十五年建舊志內有古柏一

株東廊為藏經殿寺前有大士居明宏治五年知縣張

斂嘉靖十三年知縣韓聰萬曆三十一年知縣劉永脈

各有修葺

國朝康熙十年知縣王公楷二十八年知縣党聲震乾隆

三十一年知縣熊恩紱相繼重修縣志光緒十七年邑人

王慶潮復修

縣冊明王家瑞藏經殿記略邑中之寺

假文字何覓妙因又學徒之所患也城中圓照寺僧會
所在演法敷教當為首倡先是寺僧圓鎮者動念及
此發願取藏以鎮仁宮以資講席於嘉靖辛亥躬詣金
陵請於禮部往返三載全藏儼然臨於境內和尚迺於
中途示寂夙志既償缺典亦備可無憾矣而安置講解
尚無處所於是其徒真梅等即寺之東廊創修殿宇翼
以旁室齋廚賓館亦皆足具又歲請高禪聯席檢閱時
予先祖寒泉府君及諸檀越儲糧供養亦既有年至萬
曆癸巳則四十餘度春秋矣風日飄燥雨雪沾蝕不無
廢圮眾共惜之復有鎮上人裔徒通箱者與其徒勝渠
等齋心募化載加修葺其時歡心爭鼓淨施旁流軒蓋
捐金綺羅解珮者紛如也飭材鳩工揮金命匠頽危者
完固欹側者卓舉卑隘者高廠幽闕者光華迺有新造
銅佛龕於殿內而慈輝顯若又有古遺柏樹挺於門右
而翠色藹然可謂闕別院於蘭若起精舍於招提誠梵
宮之天祿石渠矣諸上人與諸檀越之功豈可誣哉謹
勒於石以垂不朽 蔡可教大士居記畧圓照寺之陽
舊有大士居蓋未審創自何時第考曩所遺碑記知重

重修... 寺觀下

修於我朝之正統七年歷久頽毀後且鞠為坦途矣承使王之讓邑民張名遠等咸欲修復其迹而沙門勝根等復作之其故址與寺之山門正對縱橫約十三丈有奇於是募緣醵金庀材鳩匠作正殿三楹層軒如之又於殿之東作禪堂三楹殿之西作僧舍四楹山門北面儼然有師事梵王之意且金丹輪奐龍鳳翬飛較之舊勑規模殊爽塏華麗工始於壬辰之春落成於癸巳之夏邑令君每公餘輒小憩於斯大夫士居林泉者時尋幽於斯客從遠方者亦遊覽於斯兩壁間且多騷人題詠哀然為吾邑一偉觀矣乙巳冬邑侯廩延劉公徵文考蹟蒐輯諸廟祠碑記錄入邑乘中命之讓等斬余記吾恐閭閻細民不察邑侯之意而猥以身徇之於釋也遂濡筆一在縣東南二十里郭方堡明洪武間建永樂為之記

正統景泰宏治嘉靖萬厯間相繼重修

縣志 明白南金詩古渡褰裳

至逢僧錫杖還憐而登彼岸偕我度迷關鐵限工書久珠林說法媚楊枝春正發不許野狐攀

永興寺在縣南二十五里鄭家莊

縣志

福勝寺在縣東南三十里三家村明萬厯間重修

同今

廢

縣志

觀音寺在縣西南十二里霍村

縣志

迎祥寺一名迎祥觀在縣治西南金元明各有修建

舊志

國朝乾隆三十六年重修並添建關聖帝君廟於中殿

縣志

光緒十八年紳民捐募復修增建後殿三楹觀中舊有

古柏二數百年物也今廢

採訪冊 明袁魁記畧成之迎祥觀創始莫稽閱碑記歷

金元至我明重修者四矣中有合抱之柏二幹若蟠龍今已無存獨一茂槐蒼然翠蓋旁拱而俯焉若依誠古琳宮也萬厯壬寅秋廩延劉侯來牧徧禮諸神至觀見三清後殿蕩然頽矣虛皇前殿日就圯焉詢道會司從來未有也乃易民間隙地建祠三楹墻垣備飾署匾曰振起元風擇道士靜明住持命工於後殿大加修葺前

殿亦補飾之增其臺砌新其塑像煥然一奇觀矣予因記之 蔡可賢古柏詩古柏森森道士家上清宮殿鎖煙霞參天黛色長千尺不羨洪都觀裏花

呂仙祠在城北五里鳳凰臺上明萬曆四十三年知縣

李三畏建 縣志 明李三畏記畧成安之乾隅舊有鳳

以鳳名豈其臺之初成也 蠶嘉秀起雲繞霞蒸彼鳳兮鳳兮覽德輝而下之歟說者又謂純陽呂翁曾過登此臺信宿而去西適邯鄲道中然亦不經見其嘖嘖於田夫野老之口不衰也由今觀之臺峙而鳳集鳳鳴而仙至氣類之感召實有固然矣余視政之甲寅適至其所周圍諦觀僅見斷碑覆草萊中而臺址而仙迹則邈乎其不可追余嗟悼者久之遂謀諸父老沿其故墟集工役具畚鍤民固不憚征繕以趨厥役也浹旬而臺成顧祠宇未立神將何棲而作臺之意荒矣越歲之明年春復鳩工聚材而仙宮懋建焉爰塑像其中几筵如在俾百世而下不有令人猶知臺耶鳳耶仙耶與邑並重而不可泯滅者歟若夫恢宏而光大之姑以俟後之能者

茲不嫌於簡陋蓋作法本意亦以重民力也

真武廟在縣治西北 舊志 明成化初重修萬曆三十一年

知縣劉永脈增修 縣志 明蔡可教記畧我劉令君蒞

菟邑乘中神所應祀者協士論順民情修葺其祠宇焉元帝一祠又合君首崇而深念者也時有士人唐子若彝及壽官韓遇春咸樂於經紀其事規制湫隘者恢拓之基址頽圯者增築之周垣汚堊者丹碧之撤舊更新屹然具瞻一邑且材不期於速集役不違乎農時而工迺告成矣於時邑君為之色喜因介唐子問記於不佞不佞誼不得辭為詳序其顛末如此

東嶽廟在城東明萬曆十二年建 舊志 三十三年劉永脈

增修 縣志

三官廟在城東南明萬曆間知縣倪湯劉永脈相繼增

修縣志

天王廟在北城垣明萬曆四十四年知縣賈三策建縣志

紀事

碧霞元君廟一在縣治西北

王元鑣記畧治西北泰山祠肇宣德訖萬曆葺而新

之者四桑梓先民未必無灼見也歲甲申受漳鬻盡餘址矣論者曰祠之淫神弗妥也姑假手我河伯耳不則長五嶽者隸四瀆矣如線之漳敢與競尺寸土耶審其然是泰山之神甲申以前夢夢甲申以後乃醒也既醒矣似當牖此蚩蚩者使咸知神意原無樂乎人之棟宇我頌禱我也胡以祠湮不旋踵而李從山輩遽起而經其事翻若有牖之者然記云有功德於民則祀之泰山之雲觸石而生膚寸而合不崇朝而雨天下天下可以被其澤即天下可以昭其報吾邑汲汲於祠亦云報耳何異焉殿左右計楹十有八六祀龍神為漳忠也十二祀閻羅王八浮屠地獄說怖死也別三楹特巨麗則重門焉門之東西平其樓中央踈其坊餘材碎構不中程

式者畧之矣試一寓目丹楹翬霄金鏞射日土木輪奐極巧窮能是豈彈丸黑子鄉所宜有者哉自順治元年甲申逮康熙七年戊申積二十餘年工乃就乃以悟曩祠之災於水非嶽靈瀆屈也欲啟其新不得不捐其舊也設從此果安瀾終古風雨以時幹止既甯札厲不作神茁人方不翅萬間長廈區區匠石畚鍤塗墍丹雘之勞詎塞貺萬一乎異日者就使秩宗執祀典而議焉邑父老其有辭以對

一在縣東南呂彪村舊志

威縣

青龍寺在縣北張臺村五河口唐尉遲敬德奉勅建舊志

延壽寺在縣北六十里唐麟德二年建畿輔通志

崇興寺在縣北七十里七級集唐隆紀紀元編元年建龍紀

舊志

興國寺在縣西二十里元至正二年建上同

法雲寺在縣北五十里經鎮集元至正二年建上同

法興寺在縣北七十里元至正四年建上同

文殊寺在縣治東南明正統正德萬曆間各重修今增

建白衣閣於後縣志兼採訪冊 明潘泰充記畧古威

深所建也在縣治東南一里許其地幽而清梵宮宏而
敞金像古而慈歷歲既久風雨震零是以堅者朽正者
欹丹者溷腐者剝日征月邁漸入不競承樂間妙深弟
子圓與繼僧會躬主寺事有意重修未遂而寂而圓與
翁次子有日覺瀛者道號大川乃斯邑蓋村社名族威二
謹風度肅然顧瞻殿宇每生咨嗟志於增改於是勸檀
越致良材鳩工匠興陶冶琢礪石先修舊殿補塑佛及
觀音像方丈禪室僧房廚庫次第重新初建大雄寶殿
天王殿山門內建伽藍二宇在東西外起鐘鼓二樓於

左右經費之貲數以萬計出檀越者半之維時贊相則
有今清河僧會覺福督工則有今首僧性安經始於宣
德戊申春告成於正統癸亥秋殿宇庭堂煥然一新佛
像諸天金光燦耀其規模壯麗視之於前則霄壤不侔
矣而大川復念成功之難因走書徵言以誌其不朽余
世家威邑與大川交游情厚稔知其詳故不辭而為之
記妙深至正統間僧會覺瀛又繼而修葺之規模宏廓
像設精妙作堂若干有諸天等殿自殿而無而門凡庖
廚之舍鐘鼓之樓僧房客次之所罔不備具巍然一巨
刹也惜乎歲月滋久風雨震零傾頽已甚其徒道堅適
主其事瞻顧咨嗟集眾僧而告曰前人累世締造之勤
今若此矣及今弗圖將隕先業而墮舊基罪不容道乎遂
發心自誓期還舊觀邑士岳廷舉聞之欣然首倡由是
遠近士庶靡不嚮風凡百之費川湧阜集乃鳩材庀工
於是擴其舊而增其新大其規而遠其圖殿宇隆峙像
貌尊嚴器物整潔煥然一新視昔加倍矣役始於宏治
十一年落成於正德二年而道堅因度牒來京請余記
以昭示後人曩歲余守制回原籍嘗游其間歷覩其
盛今以文見屬豈容默乎是為記 孫奔世記畧文殊

寺有釋迦牟尼佛殿其來舊矣因舊而重新之則自今日始古藥師佛舊無別殿義起而期建之則自今日始水陸各神祇畫像舊日所無禮請而供奉之亦自今日始茲三事者其發心經始則本寺僧官遠惠住持隆現隆鑑為之協力其輸貲督率則邑致政尹公為之成始而成終焉夫尹公敷歷郡邑二十餘禩善政在口碑遺愛則甘棠其為國為民造無疆之福也久矣晚年退居林壑又復為之修舉廢墜若此其造福於威民者豈其微哉是役也始於甲午年二月迄今癸卯二月告竣而我邑侯田公當政成化洽之會樂觀厥成其功德均焉余敬受簡記其始末以告後人俾我侯與尹公之德不至湮沒云爾

無極觀在縣治東北隅金明昌二年蕭仙姑羽化處

清一統志

玉帝閣在北關

縣志

北極閣在縣治西明萬曆十七年建

縣志 明賈待問記畧走以萬曆丁

亥歲遭家難倚廬明年春謁帝祠下徘徊瞻顧牆壁雀穿椽棟霖毀歎息良久因謀諸姻戚運次尹君言暨家弟選貢待舉請於邑侯王君鈞命鄉耆孫述等鼓諸士大夫民黎商賈割貲僦力鳩工徵材議建帝閣三楹層分上下上安前鑄像下復肖帝形與捧劍持麾及所降四帥視帝像相肖焉又為兩翼廊以肖聖真顯應更為垣為重門金碧丹漆絢耀華嚴既輪且奐其大門允巍然稱麗匾亦蔚乎可觀功始於萬曆十七年三月一日成於十九年九月八日也

東嶽廟在南門外

舊志

三官廟在北關

縣志

清河縣

隆興寺在縣西南隋時建舊有古塔宋太祖微時嘗醉卧其下塔影週迴蔭之老僧知其非常人也追至城南

獻茶登極後重修梵宇極其宏麗今殿前壁間有唐大

曆十年所造白石佛鏤刻精工又有定光佛墓相傳藏

佛舍利於此大清一統志明正統五年知縣張肅成化十五

年知縣王瑛各修萬曆二十七年知縣陳緒增建白衣

閣

國朝康熙十五年知縣盧士傑重修縣志宋吳浚記略

者舊所傳云定光如來真身舍利按石記仁壽二年奉

安於此先是兵亂閣闈失守遺基莫覩靈應尤多則有

道者僧超一洞發真誠特興至願堅心苦力廢寢忘餐

化導眾情僅二十載復有故府主侍中清河公光翰廣

敷行業深植善根俾遂良緣共成勝事乃於本寺內建

造石棺一所棺之內又造金棺銀槨金瓶各一所越以

宋乾德五年歲在丁卯四月八日丙寅舉舍利五十二

粒指骨一節於其內以安置焉是日也雲屯土庶霧集

生徒共結勝因咸乞景福浚幼師儒素長慕佛乘尚處

迷津未遠彼岸幸列參禪之職得諧瞻禮之心爰以直

書庶臻妙果故記明趙繕記畧邑治之西南數百步

有古刹隆興寺累經兵燹故址猶存宣德甲寅間邑民

史榮等請威縣僧人覺福為住持福公號如山既住其

境觀其頹敗奮然修建漸成次第正統庚申歲邑大尹

陽曲張君肅因習禮於寺日其修崇大異往日誠足以

為祝延聖壽之所也詢其陵替之故蓋由原缺僧司因

而廢弛今福公天資端謹且戒律精嚴而斯刹之興豈

偶然哉乃奏請開會會司以為祝延之地可其言即

命覺福為僧會公於是益精心虔奉增置寺基周圍三

十畝繕以牆垣花木中建大殿雄殿繼塑佛像前建石佛

殿刊塑羅漢立方丈於正殿之後塑金剛於山門之中
僧房對峙於方丈東西廚庫翼列於兩廊左右地藏伽
藍二堂相向鐘鼓一簇聳然山門之內寺田二頃密邇
邑城西南百廢俱舉一時嘉會親炙弟性連仰瞻功德
嗟師四十年之勤苦一旦辭世恐無以垂於永久謁予
言以紀其事余喜性連知所尊事也故不辭而為之記
張我續白衣閣記畧清河縣古甘陵名郡也治西南

隅法王之宮峙焉未詳肇自何代蓋宋藝祖勅修之歷
 宋元以迄我朝屢廢屢修後雖殺其制而規模整飭采
 麗者猶存邇來頗為霖潦所嚙蠹啄乘而腐之土木頽
 隳丹雘剝蝕而數百年之古剎鞠為瓦礫場矣有宋君
 學顏潘君希載張君立輩見而心凜凜然隨倡其議肩
 其勞閱歲而工竣若神御露臺輦道門局宏麗決鬱巍
 然煥然而規制未備後不光前生生之源未開何以彌
 頽蒙而迓神庥於永永無既耶邑侯陳公遂出數年所
 積餘俸金付之俾添建白衣閣又以羨錢置田百畝為
 香火資擇謹密僧人掌其事復其役慮詳且切可垂萬
 世矣功成之月四子率諸父老請命於侯而碑之侯不
 可曰吾為爾等建此不無罷民力以與事而復攘以爲
 己勞乎後父老愈請愈不可故遲猶者數月到今侯遷
 順天別駕將往矣宋子私走千里執幣授狀於張子乞
 為碑記張子曰侯意深哉夫以長官而建閣不幾崇異
 教以惑人乎曰非也侯蓋得牧道焉大都牧民者牧之
 而欲其生又推之而欲其生生不息自衣固生生之神
 也建之閣以崇奉生生之神乃所以各生其生也則侯
 以其牧民之生者擴之也非惑也宋子欣欣然曰君其
 知我侯哉遂礱石而碑之陳侯名緒起家鄉進士蜀內

江人張子則鄰邑人參政我績也 賈待問記畧清河
 隆興寺蓋古剎也宋太祖龍遊日嘗憇其寺內塔側塔
 隨日轉以蔭太祖太祖起而塔崩矣太祖嘉其靈異登
 極後勅修之金石土木極天下之壯偉美麗迄今所遺
 若石佛石柱猶驚人云繇宋元逮我皇明雖亦時廢時
 修上雨旁風摧殘剝蝕將先代之所謂隆盛者幾且蕩
 然有宋潘諸君子謀規舊制迺請於邑侯陳公公可之
 於是程謀効力與事考工遂倏焉拓其舊而一新之凡
 因之工三拓之工七建大雄毘盧二殿繕舊營也煥其
 簷阿金其莊嚴郁郁稱巨觀矣稍前置夾殿二一祖師
 一伽藍壯麗配如來宮闕然又稍前左懸鐘右衡鼓相
 望若井幹又稍前鎮以金剛一殿森垣赫聳而樹屏其
 南以辟車騎中貫一輦道繇應門直徹方堂繚以重垣
 垣皆朱堊翼以丙舍舍皆元坊別為左右側門以通齋
 被庖福前後植槐椿數百株蔚然成青林矣是役也始
 於萬曆二十四年之春而以二十六年夏日告成宋潘
 諸君請記於余余不敢
 辭因序其顛末如此

觀音寺在縣治東

舊志

石佛寺在縣東南十里石佛村西

舊志兼採訪冊

龍行寺在縣東南十二里謝爐集明武宗遊幸所憇因

名縣志明文璞記畧清河縣龍行寺古禪場也一燈相續綿綿繇漢唐歷宋迄我朝不墜宣德甲寅時有智僧住持之為新佛居佛像僧舍山門方丈而像教益張視昔有加矣歲久殿宇欹側牆壁頽傾釋子失其所處香火不競者殆將幾稔宏治七年僧祖瑢來住持其弟祖温克承前烈目擊其敝鬱悴其心欲革舊事而力弗支乃矢佛去師遠涉南北歷寒暑備艱險而搆善緣數年就緒乃徵土木石之工斬板幹礮柱礎陶甓築垣墉恢度舊制邑人趨事者不勞而積貨不命而獻力葺舊成新大雄石佛二殿山門方丈地藏伽藍之堂僧居廚庫之所煥然巍然肖像精采真一方之雄據也始於宏治七年竣事於十年又明年勒石紀事

案雍正通志定光佛葬於龍行寺內考吳浚定光墓

碑云貝州隆興寺舍利塔者與此寺本係兩地通志

誤為一寺也又明宏治間重修碑記作龍興寺疑龍

行即龍興蓋音之訛耳

法雲寺在縣南二十五里今廢

舊志兼採訪冊

清涼寺在縣東北今廢

同上

靜樂寺在縣東二十里連冢寺

縣志兼採訪冊舊志作連塚集誤

崇興寺在縣東南二十五里油坊集前臨御河後有高

臺上建玉皇閣足供登眺

舊志明向日紅詩峻嶒樓閣御河濱眺遠憑高發興新

去去煙帆迷海市飛飛雲鳥渡江濱孤村日暮思鄉客雙鳥天涯薄宦人猶有丹心趨曉漏豈應青髮老風塵

千佛閣在城西南五里菜園村崇禎十七年建一名二

郎祠

採訪冊明楊承芳記畧城西南五里許菜園村舊有二郎神廟父老相傳有簡某者賈千里外偶

遇雨宿寺中若恍若惚似夢非夢隱隱乎如有憑焉因負以歸瞬息而至始焉供諸道南夜輒自移於道北如是者再父老曰噫此殆神之所欲宅耶遂建之廟祈禱輒應越百餘年來蓋有廟而無閣云今上改元之二年泰寰王公以驪城之秀分教甘陵振德之暇來遊於此見廟貌如故神像若活振衣拜焉既又舉首遠眺見密葉濃陰亭亭如車蓋意地靈如此必有人文秀傑接踵而起及進父老而問之竟寥寥也始而驚既而疑終而歎曰噫吾知之矣從來名人碩士奕奕炳炳雖曰人功茂乎抑亦有名山大川為之鍾靈而毓秀焉茲土固稱肥腴然無高峯峻嶺為之點綴神甯終欲宅此耶盍建閣於廟後以接旺氣迓神庥維時許子興時謹愿人也進而跪曰某不肖不足以鳩工請從事焉以勉襄厥成王公曰唯唯爰捐俸金為首事而附近士民亦如雲斯集故不闕月而閣就厥材維良亦闢亦峻遠而望之鐵馬出於簷外朱扉曲檻縹緲如天半飛來洵為西南一勝觀也從此一方文運神為開荒而赤生簡子遂以己卯舉於鄉楊生及焦生輩採芹藻而振斐聲者又復踵相接也行見人文秀傑勃然蔚起奕奕炳炳者指不勝屈也王公之言信而有徵因記於石以為後之沐神休

而躍於時者左券

茶菴在城南十二里茶店康熙十三年知縣盧士傑卽

靜樂菴舊址建縣志兼採訪冊

承露菴在縣東南二十五里油坊集康熙十七年知縣

盧士傑增建縣志 盧士傑記畧油坊一集地當水陸

鱗青雀泛中流之月舟車所至絡繹連雲騎步相兼往來如織躑躅修隄之畔執鞭牽纜喘同見月之牛趨起烈日之中背負肩擔翼折焚林之鳥憫斯苦境爰創茶棚承露名庵俾萬眾均沾夫沈瀆延僧住靜為四方接引之津梁從此圓成萬法將來永盛千齡矣謹記

清元妙道真君廟在城西南菜園村明嘉靖二十六年

重修採訪冊 明王民記畧清河古貝州郡也距城西

重修廣平府志 卷四十一 古蹟略 寺觀下 三

真君創建未詳相傳極有靈驗歲或大旱禱雨輒應故
 一方之人至今崇奉之然風搖雨剝年久未修以是覆
 瓦日見其損壞牆垣日見其傾頽而椽桷梁柱日見其
 朽敝神弗獲安斯崇奉之心亦因之罔慰也時嘉靖丙
 辰村民董廷舉等會議出資均力購材務為重修迺於
 秋八月諏吉興工朽敝者易之傾頽者完之損壞者補
 之不終月而告成功焉易舊更新見者改觀廟貌重飭
 瞻者快觀神與人共悅其在此一舉乎工訖眾欲礮石
 以垂久遠於是乎記

磁州

響堂寺在州西四十里鼓山北齊天統間建殿宇宏敞

凡有穴處擊之鏗然有聲故名

大清一統志

國朝順治間知州張瑞午重建

舊志臨流百仞梯開皇歲月古

招提巖扉松徑風長掃磻戶雲窩鶴舊棲響石鏗鏗金
 鼓切光天燦燦斗杓低幽人鍊藥如相訪神騰山頭一

望西楊性魯詩佛閣懸山際白雲當檻生晴峯排漢

碧野水繞天清叩石干林響開尊北斗傾醉來題古壁

日落下荒城響堂高閣上飲罷有仙迎山月能舒嘯

天風欲解醒卧看星斗近夢入水雲清心已遊方外塵

緣信羽輕國朝任塾詩烟岫離塵界雲林隱化城間

鐘驚刹現叩石詫山鳴斜月孤峯逼輕風萬壑生倚筇

當此際無復宦游情方孝標詩何處鐘聲出遠林響

堂秋月夜沈沈太行青接峯頭雨淞水澄環洞口陰百

慮卧清高士夢孤燈詩伴老僧吟曉

來策杖山前路石上鏗訇有和音

元符寺在州東北五十里東二祖村唐貞觀十六年建

相傳二祖示寂之所

大清一統志

開元二十年建塔宋明道

二年賜額廣慈禪院元符三年改今名元末燬於兵明

永樂十三年復建

國朝康熙三十九年知州蔣擢重修

舊志

龍鳳寺在州北蔣村唐景龍三年舊志作二年建畿輔通志

高福寺在州東北豆公村唐開元二年建同上

多慶寺在州北林壇里後周廣順二年建舊志

國朝順治間重修採訪冊 張鏡心記略順治五年秋八

以記請則余孝廉時讀書其地也地故幽勝綿岡前絡
澗水勾纏濃槐修榆清梧茂柳掩映左右虧蔽雲日故
郡寺無慮數十即多慶著矣寺肇漢乾祐間歷宋若元
遞興遞廢明正統時吾家開士歸端周游十嶽爰止是
林實經始焉為住錫之所凡四十載而績用克成歸然
帝子之宮視前有加也余讀書神廟之年天下殷盛桑
麻交蔭父老龐耆歌詠之暇選坐西谿石上諸老衲及
高年子弟無不數十輩相從游以為常迄於今三十年
矣陵谷變遷從游諸衲暨高年子弟齒髮先後余者屢
曩道上即安得不泣然出涕而况一刹之介兵火間又
奈何不圯失且盡也先是崇禎中寇起寺僧亡去一切
僧舍以舍往來諸將率又不良於歲邑里邱墟翦焉傾

覆是虞象教擁格諸化人之宮有其廢之則莫敢舉矣
達川者起而新之計費可千餘緡三年是期而黯者翬
飛圯者雲屬金碧煌煌廊廡簷楹以及繚垣周舍罔有
不葺晨昏鐘梵居然佛土敢曰前人之功是多而數世
之替舉於一旦何興之易矣釋氏者流用能克修舊物
優然見端公於鐘簾堂構之間斯為龍象兒孫者哉達
川系義親義親系了
琴了琴即余主者云

水谷寺在州北西佐里後周顯德二年勅修舊志

雍熙寺在州西臨水里紙坊昭關口宋雍熙間建畿輔通志

國朝順治九年重修採訪冊 明董應芳詩宦游落漠遠

更少路從深處樹偏遮空中無暑能留客半偈諸
天欲墜花遮莫浮雲千古夢詩成堪笑碧籠紗

照福寺在州西南石場里宋天聖間建明宏治八年重

修舊志

龍泉寺在州北西佐里宋皇祐四年建明成化三年修寺北枕長岡東連峻嶺南倚清流西倚賀蘭怪石巉巖周迴環抱亦勝地也同上

石佛寺在州北林壇里宋時建舊志

國朝光緒十七年修葺採訪冊

福勝寺在州西顧義村元至元三年建舊志

寂照寺在州南石場里本宋鳳凰寺故址元至正十三

年改建州志

國朝同治十三年修葺採訪冊

大明寺在州治西元元貞間建舊志明洪武永樂間重修

國朝光緒十六年補修採訪冊元馬煦詩喬木千章擁

茶香裏靜聽黃鸝求友聲

文殊寺在州北高叟村元大德間建舊志明嘉靖二十五

年重修州志

惠安寺在州南駙馬溝元皇慶間建一在州西槐樹村

明正德間建舊志

崇福寺在州北東佐里元延祐四年建舊志

國朝道光六年胡慶臨補修光緒八年胡永清補修採訪冊

慈氏寺在州東商城里元至正二年建舊志

僊聖寺在州南時村里元至正間建同上

聖泉寺在州北南城鎮元時建同上

山羊寺在州北陸開村元時建同上

化樂寺在州西北四十里舊志明宏治十年重修州志

鐵佛寺在州西北李平莊明正德二年建舊志

國朝光緒十九年重修探訪冊

大慈寺在州西彭城鎮西舊志

流泉寺在州西白土里山頂有流泉同上

東韋寺在州西南香鑪山東麓同上

西韋寺在州西南香鑪山西麓同上楊方晃記略磁治香鑪峯下四面環山

其東麓曰東韋寺其西麓曰西韋寺名載志圖其或韋氏所創建與究亦不知為何許人也殿重葺告成山人請記於余余始略聞其概問其創始則曰不記年矣問其向背則兩寺各負山曲坐坎而向離問其靈異則其地苦澗惟寺側有泉一綫透迤入寺煮粥烹茶僅足僧用東韋亦然豈佛氏靈爽所致耶余不能知亦不能記記其葺是殿者其主焚修募化則上人某某也其解囊捐助則檀越某某也其鳩工以迄落成則某年月日也都家井寺在州西百里同上

觀音寺一在南門內嘉慶二十二年千戶所義官李仁

美修一在南門外州志

天慶觀在州治西晉天福元年建今廢僅存二賢堂碑

文舊志兼探訪冊

護國聖濟觀在州治遵古坊唐時建金末燬於兵州志

元真觀在州西大于里元初建末年燬於兵同上

神霄萬壽宮在州治樂善坊宋元符二年建元末毀州志

國朝光緒五年重修探訪冊

玉溪宮在州西路村元末建明萬曆三十九年重修有

郡人楊性魯記州志

國朝光緒十五年補修探訪冊

四聖菴在州西北西城鋪舊曰準提菴明崇禎元年袁

時遷建州志

國朝光緒十七年重修探訪冊

廣嗣菴在東門內邑人張槐韓新建今廢探訪冊

觀音堂在西門內明正德間重建

國朝光緒十七年補修探訪冊

玉皇閣在州西東紙坊即古昭關舊址光緒十七年補

修探訪冊

案舊志有玉皇廟在州治東南三光廟在玉皇廟西

考州志及探訪冊均無二廟想久湮沒附記於此

觀音閣在州西麴山上州志

東嶽廟在州西彭城鎮康熙三十九年知州蔣擢重修

州志

三元廟在州西北西城鋪康熙三十九年知州蔣擢重

重修廣平府志卷四十一
修同

牛王十王祠在州南明壽官楊尙志建州志

國朝光緒十五年重修採訪册

重修廣平府志卷四十一

古蹟略 陵墓

永年縣

周冉子墓在縣西北四十里舊志作縣西五十里永年志作縣西四十五里瓜

井村畿輔通志明成化間知府秦民悅重築萬厯間知縣

陳所行增修崇禎五年知府劉養粹同知崔爵疇通判

羅天象推官龔銘同立碑河北鋪道側縣志明秦民悅撰墓碑記略

按郡舊志暨大明一統志俱云冉伯牛墓在永年劉營社歲久湮沒不知所在民悅叨守郡令探尋得之於瓜井村於是培塚以土周繚以垣植松柏豎祠堂墓前立碑碣題識蓋欲垂永久俾邦之人士有所瞻仰興起也夫伯牛本魯人而葬於此無所考據惟聞父老相傳以為此地去沙河縣西山溫泉不遠泉能療疾伯牛得

瘡來浴返而卒於途因葬之及考朱子謂伯牛之疾先
儒以為癩也之言此說為近理但夫子問疾時伯牛居
於家與之永訣又不敢盡信也矧伯牛為孔門高弟其
卒也及門之徒散在四方豈無葬衣冠而服心喪者是
又不可知也嗚呼伯牛道德之光萬世仰之民悅小子
不敢贅沆矣然興衰起廢有司事也豈敢以為非是而
使先賢之墓泯然無存哉敬加修復題於碑陰以俟後
之君子考焉 方承郁記略冉子墓自秦公民悅修復
後百年於茲遺址僅存歲丁未太守陳公之修未竟遷
去永年陳令所行更經紀之捐俸金三十環俾郡諸生
楊冲漢等董其事緝紳人士咸樂為助經始於辛亥七
月落成於壬子十月購附墓隙地而闢之前為大門次
為坊表中為享堂繼以拜亭各三間綽楔孔道顏之曰
高山仰止於秦公舊貫為充拓云 申佳允詩煙火寥
寥瓜井村秋風落日伯牛墳巋然老樹碑陰蠹聰影沼
光拂隴雲仰止斯人名不腐科懸德行書懸譜平原賓
客氣如虹沙草榛蕪何處土半世車塵歷落中九京羸
得鄆侯封一坏伏臘驚樵牧靈雨春滋卉木穠傳浴温
泉事恍惚石青篆碧探殘碣聞風興起古今情何問衣
冠何問骨 國朝申頌詩古稱燕趙間實產豪傑姿何

遂無一人名附洙泗垂豈其尚技擊不知儒可師惜哉
魯中叟臨河感涕歸遂令慷慨地終不被榮施我行瓜
井村拜瞻冉子祠祠後高邱壟檜柏蔭豐碑肅然拜舞
間反復書上辭明明死於鄆遺塚何在斯咨詢向父老
言論多支離我聞孟津野亦有公墓基疑信既無徵安
可憑臆推且欣干載下聞風仰遺規廊寢怵心胸瞻對
儼在茲卓矣孔門徒蒼冥齊巍巍公列四科首言行無
可稽特以斯疾歎常令學思始知太上德無煩表見
奇聲靈感百王配享儼威儀世道有污隆俎豆莫或虧
如何崇典禮斯文日磷緇皇皇聖人訓徒為梯祿資致
使青衿士雕蟲廢修為吁嗟名利阨烈於秦火危德行
非絕學繼者今有誰感激墟落中碧瓦耀朝曦履運有
如此我胡 增涕洟

案汪師韓韓門綴學康熙初朱世緯言永年志云冉
子墓聞之諸父老言墓下鋪砌青石周迴二三里皆
鐫篆冉耕字今府縣志俱無此條亦無稽之談也攷

晉穆帝永和七年冉閔滅後趙稱魏都於襄國此墓或是閔之族人故其砌石規制廣闊若此閔至次年即為慕容儁斬於龍城故冉氏之墓雖存無人紀載後人遂誤以為冉子墓耳永年採訪冊引四書考集要載有冉子洺州設教一事考洺州置自宇文周宣政元年前此無此州名也集要之說恐未可據

竇鳴犢墓在縣西大清一統志臨洺縣西南十三里有竇鳴

犢冢太平寰宇記

案家語孔子自衛將入晉至河聞趙簡子殺竇犢鳴犢及舜華遂還舊志及永年志作竇鳴犢墓在臨洺

縣西南十二里恐誤

毛遂墓在縣南二里大清一統志明申佳允詩一

銅盤熱血驚蠻楚錐穎英魂壯滏河碑自蒼蒼看獨峙世多碌碌許誰過幾回憑弔先生墓猶見虹光映碧蘿國朝申頌詩毛公爽豁士所向無危疑奇才不在眾得一足以威汎愛失斯人變起空疇吝公若不薦養士徒爾為自薦豈忘壞公塚長在茲長隄繞西南其北面秋草萎公名留天壤公塚長在茲長隄繞西南其北面城池其東車馬道其中長蒿藜蘆荻煙冥冥古木叫泉鳴至今來英風沙聲颯踏吹逝者不可作憑眺想威儀不信脫穎後更無再見奇得非史遺失干載誰能追長歎苦莫伸頻為澆酒厄昨走邯鄲道會謁平原祠相如及李牧亦尚有墳基精靈儼未散煙靄回霜曦幽顯理雖隔誠感若可期我欲邀公魂共往結心知聰紫青不改漳滏流如斯誰謂燕趙間今乏英雄委獨立荆榛久四顧使心悲

案永年志毛遂墓在城西南五里大隄內寰宇記在

肥鄉縣南七里未知孰是

宋敷文閣直學士李椿墓在縣西二十里南賈葛村縣志

宋朱熹銘曰大易之蘊微妙不窮孰窺其表而測其衷懿彼李公心潛躬詣逮其渙然隱顯一致進矢於廷退諗於私逆知得失不假著龜憫天越民忠君及國在古有評曰庶常吉胡不百年以究其施長言鼓缶奄爨其離衡山之陽非其故土竈而弗銘曷詔終古

案朱子所撰墓銘云葬於衡州光化寺山後二里是

墓在今湖南衡州府矣又攷宋史本傳銘詞有不阿

主好不詭時譽二句今無附記於此

元太傅王磐墓在縣北四十里大清一統志 元張晏銘曰皇元神武定中

原奎文六合清乾坤惟公首暢斯文源詞臣輩出公之門臣手比漢司馬遷雄懷象魯公仲連姦臣判邑曾未

旋公絕希烈先相捐武成草就即明史出鎮鎮陽理寃死屢辭罷去歸田里三徵再為蒼生起辯論孔林廟所資一官俸祿堪為之朝廷因重孔子祠加封廟號王人師學校風化知所先主善須許心拳拳薦舉數子皆英賢四登金紫三貂蟬南征伐宋未克平無向海島勞天兵先事一重後取輕理無雙美徒經營直畫不顧姦渠魁還復按察扶內臺小人側目羣忌猜慨然不避風霆雷八十歸休出帝鄉公卿祖送及周行進不為顯退為光九十二歲壽何長輅帳將發東平址門人苦留葬於彼有孫汝弼與汝梅碑銘財用出劉氏豎石願遷還祖營誰之言者青烏子

案永年志墓在城北三十五里孫陳社

昭文館大學士何榮祖墓在城西三十里周村社大清一統志

元劉賡銘曰天下久安係乎一相相得其人蒼生屬望屬望伊何聰山穹崇早有盛名允矣鉅公作掾中堂輟典臺簿志在必行剛亦不吐擢真都司實沮臺綱簿領絲紛用為有常公來治書柱後惠文如水拯溺

如火救焚濟南鉅獄海道之役其禍踵來朝不謀夕非公平反咸伏其辜非公抗章人其為魚公之相業蓋見於此壁立萬仞天子所倚自中執法為時龜鏡兩持憲節四參大政晉之右轄懇辭機務預議中書五日一赴金玉王度黼黻皇猷昭文辯章職思其憂永年之西三塔其原公墓有碑昭示子孫

中書右丞吳鼎墓在縣西五十五里石碑社通志 畿輔

吏部尚書吳元珪墓在臨洛鎮西趙莊村同上文原銘曰唐

虞雍熙稷契夔龍代不惜才生申甫同我公似之亢身亢宗逢辰佐運風雲其從天樞之府以勵勳庸入幕振迅借箸從容才美內充弗顯其功孰云弗顯武士弋弓田父力農猗公之賢秉德淵冲黃流玉瓚金鐘大鏞南涉湖江西踰華嵩無遠弗屆播我仁風馭歷既早相亦有終允矣明哲克紹芳蹤魂兮來歸陽城之封伐石刻辭以表幽宮 國朝畢宗高記略吳公元珪相傳其墓在臨洛西之召莊村宜有其故封焉乃與諸生薛子舜來林子慕遠李子明菴趙子安儒往訪其蹟則夷漫漸滅盡成園圃求一邱隴而不得也相與蹤跡久之得石

虎五一蹲其前而餘列於西隅相望也載考廣平郡志得明和鳳撰學士墓田記中載墓地在明前明已被侵沒有明府蔣公者曾考訊其事量其侵沒之多寡明正其罪一一追復之猶恐歲久仍廢乃復立石以記之迄今記石亦不復見去蔣明府又百有餘年地之轉相授受已不一姓其始侵沒之人殆不可復追乃復召其鄉之父老而詳詢焉有稍記憶者於西北偏地又得至正間一碑記乃學士歷仕績也由於碑之北得其穴蓋越平壤數尺穹然有藏脊焉遂由西徑東度其對列之分而驗之類幽宮之門闕知為尚書墓也因為於其中求右丞之穴則杳無髮髯或謂當蔣公時即僅得二塚中特以意為封者耳吾疑之適書吏張會良者稍通占卜令至墓地正域中方位祀而卜之兆應末位蓋在兩墓之間而稍當西偏其前則益越而南也就位為之探尋則有圍而堵者上苞下廣南向迹如幽隧遂相傳賜葬者圍其藏是未可知而其為穴無疑於是三墓皆得實迹矣命種墓地者剖土而封之傍墓各令空地二丈中闢墓道長四十九步廣六尺足布武而已皆立石為識永禁侵種其四隅石虎勿遷以存舊址仍聽佃田焉以非始侵之人且無廢地利也雖然何以垂久遠從前之樹木

森立碑記穹窿至蔣明府時而已泯沒及蔣明府之勒石垂記至今日而又泯沒則貞珉之不足示遠也明矣夫金石有時而壞而祀典則百世為昭且是侵墓田者較之作俑薄乎云爾烏得無罪既免其罰而於一歲之獲四十取一焉以供春秋牲體之祭庶亦有藉以說於神靈而通守於其時親往致奠有事則委員恭代必頒胙於羣從使其懷常嘏無墜厥典以永保三賢之墓後之君子諒有同志云爾

集賢直大學士吳元瑜墓在臨洛鎮

同上 明和鳳墓田記元集賢直學

士吳公元瑜系出永年累世忠蓋固已入祀於鄉賢其墓在臨洛鎮之坤隅樹木鬱然碑銘森立人猶及見之沿襲日久樹木漸為人所折伐土地漸為人所侵沒莫或正之明府蔣公考訊其事量其侵沒之多寡明正其罪一一追復之其地東西闊九十七步南北長亦九十七步畫其大界培以椿石猶恐歲久弊作乃復立石以記之

案舊志鼎墓在石碑社據記文與珪瑜兩墓在一處

未知孰是

明參政徐敬墓在縣北三十五里徐北汪村

縣志

案舊志及永年志選舉表明天順己卯舉人有徐政

官河南參政非徐敬也敬為政兄由太學官福建布

政使縣志疑誤

山東運使連盛墓在縣西四十里

通志作八里誤

裴坡莊

縣志

工部尚書胡瓚墓在縣西十五里張固村

畿輔通志明翟鑾銘

日氓農熙熙惟福之基禮笥便便惟福之先蜿螭詘伸發自公身翱翔雲衢莫之等倫始自繡斧至於中丞乃貳司空八座以升雲中叛驚戕我大吏諭招益狂恃彼邊肆公提將符壘扼其吭數其名誅餘悉散亡歸報天子天子加思孰不滿公公不自言公持風裁不激不隨有試其能惟政之碑公祿不多公壽奈何慶在嗣人公

名不磨

雲南按察司副使申綸墓在縣西七十里永年疆域圖作六十里

繇村同上明連鑛銘曰維申先世炎帝支流封國為

著賢傳及大父賢良再徵仁哉厥考簿尉以承種德獲

報福壽且康及公之身益大而昌發述甲科官居三正

平易近民在在胥慶兩署南部兩憲名藩政孚中外謝

榮而還卜築江湄陶情詩酒敦俗厚倫鄉邦稱首既大

其德宜承其年云何蓮疾古稀遊仙公雖不承厥德有

貽子黃孫衍宦業不衰川迴山峻聰明之原我辭銘之

弗護河南參知非命也

僉都御史連鑛墓在縣西四十里裴坡莊同上

池州府知府杜秉彝墓在縣西二十里賈葛村縣志

河南副使申价墓在縣南八里張兒寨同上

太僕寺卿縣志作給事中周京墓在北郭外畿輔通志

都御史申佐墓在縣南五里韓家屯同上

陝西巡撫李堯德墓在縣西十二里聰山前同上

案名勝志聰明山在府城西六十里非十二里也舊

志李堯德墓在臨洛鎮聰山在臨洛鎮西十二里通

志誤為縣西也舊志作僉都御史官銜不合考永年

志選舉表堯德官陝西巡撫今從之

吏部郎中蓋國士墓在縣北三十五里姚張村畿輔通志參

翰林院舊志作御史宋范墓在縣西六十里永年志疆域石圖作五十里

碑口村 畿輔通志

按察司副使李杜墓在縣西三十里 通志作十里 東蘇村

舊志 明姚三讓銘曰厥山為明厥水為洛哲人斯生維國之楨婦德奚臧克順維臧令聞並彰久而彌芳貽謀煌煌子孫永昌

御史姚三讓墓在縣西二十里落馬村 畿輔通志

按察司副使杜縻墓在縣西五十里河莊 同上 明陳具慶銘曰京兆之裔出陶唐矯矯入龍公最良絕塵騰蹕飛黃嶙峋勁節摩穹蒼縣花哀露迎銅章到來畏累祝庚桑詔與陪京拜夕郎封書次第排天閭轉圓聖度何汪洋黯平甯敢薄淮陽等閑虎翼摧貂璫漕粟銜尾來舩艘温温恭人德之行千年委蛻此借藏子孫繩繩賢且昌流風芬馥垂無疆紫山高兮洛水長

工部尚書盧大中墓在縣西四十里 通志作在縣東十五里 劉營

村 舊志參縣志

臨洮府推官盧大節墓在縣西劉營村 縣志

山西參政宋師程墓在縣西五十里 通志作縣北五十里 洛陽村

同上 戶部主事李韞秀墓在縣西三十里 疆域圖作二十五里 周村 同上

保德州學正宋德隆墓在縣南三里鋪東 畿輔通志

封邱縣知縣宋學道墓在縣西五十五里石碑口村 縣志

通志作縣西郭外誤

都御史李養冲墓在臨洛城西三里 畿輔通志

陝西巡按李養志墓在縣東北十五里 舊志作十里 雙陵村

同上

案永年志疆域圖城東北無雙陵村名城西三十里
有此村縣志謂墓在臨洛鎮東北十里與城西雙陵
村里數正合通志及舊志皆誤縣志云官大理寺丞
銜名異考養冲傳養志由章邱縣擢御史按陝西與
通志合今從之

盧氏縣知縣單鏡墓在縣西四十五里通志作縣南三里誤施莊

村縣志

忠州知州李春萼墓在縣西三十里東蘇村同上

戶部員外郎馬任遠墓在縣西五十五里通志作五里誤婁山

村 採訪冊 張鏡心銘曰婁山巖巖沙砲巖滿君子之
貞兮弗剗沼水漪漪石煙崖滴君子之動兮弗移弗
剗而峙不為奸奪而奸斯禱弗移而通抱道以處
而道有餘風噫是足以盡眉白公之朝野也夫

都御史馬兆燿墓在縣西婁山村通志

副使申為憲墓在縣北三里隄園村縣志

蒲臺縣知縣胡士偉墓在縣西北十五里張固村同上

贈上元縣主簿胡淵墓在縣東八里河西堡村同上

太僕寺丞諡端愍申佳允墓在縣西北七十里繇村同上

孝廉鄭之望墓在縣境畿輔通志 申涵光銘曰既
篤以賢胡促其年惟母儀之克

紹而世德以延豈棄之者迺聽其自適而欲
昌其後者必重之艱難耶嗚呼蒼蒼者天

孝廉盧愜允墓在縣西三十里劉營同上 申涵光銘
日門內雍然門外

温然凡所稱吉人善士胡艱於子又促其年可盡者人不可知者天耶嗚呼賢母撫嗣世祚以延望墳樹而隕涕者比於有道之阡

布衣王梅墓在縣境 同上 申涵光銘曰薄俗畏難脂韋為工嗟此遺直有侃其容氣以

義壯無忝厥躬蹈火分甘恤彼困窮受天之祿子孫繩繩樂道邱園頤養令終文孫振武倬有其風粉楸改色載飭幽宮追揚舊德庶其丕承

處士王以恩墓在縣境 同上 申涵光撰墓碣略吾鄉

恩盜南王莊人生而貌寢如不慧五六歲都不解羣兒嬉戲事嗤嗤而已家有史委塵空巾拂拭竊讀之輒默記時時為鄉人說古今人物治亂諸儒生怪問之皆悉原委驚以為神入鄉校未幾就省試中副車稍稍交四方知名士攜書笥來郡與子弟隨叔讀書先端愍祠中兼蒼好觀予詩及所論著凡為制藝必就予點定商可否以間益讀古書無所不博洽而左氏司馬氏及唐宋大家之文尤成誦為制藝亦彷彿得其法見人談世故

瞪目直視氣拂拂出鼻間有聲或言書史則議論鏗發座人竦聽予謂霖蒼是必資性過人者弟隨叔曰不然特力學強識耳蓋霖蒼每食常手一編且啖且讀自祠中歸昏必焚膏無寒暑倦則俯而假寐雞鳴輒起亦不暇盥沐項領常積污垢不顧也元日夜半書聲達中外鄰人皆驚予一日早至祠中祠門啟訝謂聞者豈昨未及閉耶人則霖蒼已先在時未曙月下鳴鳴讀書罔大矣歎息久之霖蒼性孝友無械智里中自二三同八外多不識每過市中昂眉抗首目不旁視時人以為傲實非也書學黃庭得其中神骨素不為詩予強之作即多俊句似常作者是真有夙慧非但力學強識已也丁酉聞後面黧黑神氣颯然予謂君豈有所苦耶霖蒼曰似有疾疾何害但恨妨我讀書耳已而腹中有塊漸長遂病病中讀書不輟手錄周易再過忻然以為有得至戊戌年月日死死時有子四齡越二歲痘殤嗚呼惜哉昔吾郡有李生炯者奇才也以救母被禍亦年三十餘炯舉動多崖異識者知其不終霖蒼敦厚謹嘿而年又最少為尤可惜矣霖蒼生僻壤無先生長者為之傳恐其久而湮沒故著其梗概如此而又以其生平好予為文也故益不得辭

重刊廣平府志 卷四十二
二烈女墓在臨洛鎮姓氏無考正德間劉六擾畿南見
二女犯之不從同遇害鄉人葬之

國朝乾隆二十一年知縣孔廣棟為立石

縣志 孔廣棟
記略永年舊志

載二美塚而注云二女拒賊死是烈女也而目以二美其亦害於義矣余使人求墓所在詢之鄉人咸云塚名二妹非二美也又得明白南金所為詩悖褻尤甚其為贗作無疑蓋二女烈魂含冤蒙誅者二百年於茲矣聞閹弱質粹遇悍寇刀鋸森列淨猛滿目於此視若無有不難殺身明志平生自負奇男子當大難而不渝者幾人哉如二女者姓氏里居一無可考徒以貞魂烈氣耀晶明於聽山洛水之間稱名之藝與豔語之作徒足以增妄作者浮薄之孽於二女無損也余急為更其名曰二烈女塚更勒石以記庶使二女遺迹與古賢并不朽云

國朝贈僉事宋永譽墓在縣西六十里石碑口村

縣志

江西按察使胡福宏墓在縣西北十五里張固村

湖南道李仲熊墓在縣西二十里賈葛村

河南按察司副使李芳蘊墓在臨洛鎮西

贈僉事李芳澂墓在縣西五十五里婁山村

永州同知李芳莎墓在縣西五十里東召莊村

贈副使劉璇墓在縣西北四十里柳村

贈太常寺卿冀一貫墓在縣西三十五里尹固村

贈太常寺卿冀爾行墓在縣西尹固村

工部尚書冀如錫墓在縣西尹固村

俱同上 通志
列入明代誤

封翰林院庶吉士甯光祖墓在縣東二十里閻胡寨

縣志

湖廣道御史

選舉表作山西道

甯爾講墓在縣東閻胡寨

同上

徵君申涵光墓在縣西七十里

通志作二里誤

繇村

縣志魏象樞

銘曰溯源自姜別為申繇晉宅洛鍾喆人嶽嶽端愍國蓋臣成仁取義式後昆處土守道甘賤貧嘯歌白首堅松筠晚節益涉濂洛津鑄顏者誰為蘇門大節稟稟小物勤道不絕物羞同塵世衰俗傲微言泯倚君力柱狂瀾翻少微一夕星芒昏沒者已矣生沾巾銘君墓石質無文千載不滅真氣存案縣志是銘係蔚州魏象樞撰通志訛作張玉書

翰林院檢討申涵盼墓在縣西繇村

同上張玉書銘曰喬松峩峩頓萎

隰阿干將鏘鏘弗試盤錯吁嗟哲人哀通履清塵塋朱紫肴核圖史忠臣有孤宜昌厥家華星若揭宵露中折孝友為畜十世用勸銘石幽窳永貽後裔

處士張蓋墓在縣東十里善兒寨

同上朱彝尊銘曰或游或處或泣或歌

室家之不恤而恤其他彼狂者實耶是維子之室耶

新淦縣知縣馬翊宸墓在縣西五十五里婁山村前

探訪

冊

案通志列入明代攷永年選舉表馬翊宸中康熙八

年己酉科舉人其不官於明代無疑又墓在縣南五

里婁山村攷永年疆域圖婁山在縣西五十里今改

正

淮揚道王謙墓在縣西北三十里北汪村

縣志

都察院僉都御史劉超凡墓在縣東二十里賈寨

同上

翰林院檢討李天祥墓在縣西北三十五里劉營鎮

探訪

冊

左副都御史冀棟墓在縣西三十五里尹固村同上

內閣中書冀渠墓在縣西尹固村同上

處士閻斌墓在縣北八里陳義村縣志

案古墓均據舊志縣志採訪冊所有者列入各屬顯
宦名流雖不止此而無憑採輯姑從闕焉

吉林山西各官兵及臨洺關義勇墓在臨洺鎮小西門
外城根咸豐三年八月遇賊陣亡葬此知縣陳政典立

有碑記採訪冊

附義冢一在東橋地四畝二分距城三里一在下坡張

家莊地五畝五分零距城四里一在北胡賈村地一畝
二分零洺水沖沒無存一在陳村地十一畝八分二釐
年久被人侵種道光七年知縣沈醇厚清丈地基據貢
生馬有爵等各捐地歸入義冢原存新捐地共五畝四
分三絲八忽縣志

曲周縣

北魏曲梁令李詭祖墓在縣東安上村畿輔通志

元達魯花赤諾懷墓在縣東二十里胡家莊同上

明兵部尙書王一鶚墓在村兒寨同上

戶部尙書陳于陞墓在隄上村大清統志

案通志引韓葵先宗伯瀛州圖後記稱大學士陳公于陞為隆慶戊辰進士則陳于陞官至大學士矣考明史及通鑑大學士陳于陞以勤子四川南充人由禮部尚書入閣係隆慶二年進士曲周之陳于陞戶部尚書嘉靖間進士本係兩人通志誤為一人也

布政使秦吉士墓在馬蘭村

畿輔通志 明陳于陞 銘曰方伯之卒也陳子往

哭之值兄員外歸之次日悲語陳子曰胡余弟舍余速乎陳子以天數譬解且曰蘭臺公在家思孝在國思忠恭儉純粹温克其容神歸於嶽箕尾在天稽理察數事有固然惟鳥有鳳曰獸有麟間世一出豈伊近人景星慶雲倏散倏合合而表瑞散歸廣莫謂麟不永謂鳳為天何玩狎夫景慶而辱星雲於蓬蒿耶員外領之曰唯唯遂納諸壙中

按察使袁宏德墓在河東

舊志

太僕寺少卿苗淳然墓在縣西

同上

主客提督四夷館主事聶雲漢墓在縣境

畿輔通志

太僕寺少卿張師孟墓在縣南四頭村

同上

武德兵備副使霍允猷墓在孝固村

同上 明路振飛 銘曰氣骨截嶙品

琳瑯材高用違施未彰亢志非隱酒非狂龍蟠蟻屈潛其光漳水之澗恆山陽松楸拔翠鶴回翔霞蒸虹燦子孫昌我詞勒珉與俱長

工部尚書劉榮嗣墓在四夫人寨

舊志

御史秦廷奏墓在馬遂店

同上

徵君聶鑑墓在陽固原

畿輔通志

國朝贈內閣中書王體健墓在縣境

同上 徐乾學銘曰其心飲然日孳孳行

年六十身從師令問貽千載考德徵吾詩

蕪湖縣知縣王禎墓在縣境

同上 韓奕銘曰胄之華不柔其骨宰之卑不吝其

德百爾貴介永以為則

崇信縣知縣王庭蘭墓在冀家莊

同上 李先枝銘曰

有醕者德匪蘊匪光維德玉衡瓚璧瓊璜燦昭也日清則日霜披昔官政決古文章劑鼎芍藥被杼錦襄胡星少微變箕宿芒希夷鳳駕寥廓龍翔聰峰巖業溢汎汪洋千秋萬歲衍厥慶長

曲周縣教諭衛蕃墓在城西臨堂村

同上

路澤農墓在路莊

同上 金德嘉銘曰路氏始遷自晉長子六世而昌拜都御史都御史與

公子英英皇矣季公休有令名貴不敬德厥嗣蕃碩金馬石渠地封式廓曲周之陽鬱鬱蒼蒼生遊沒藏厥名

路莊華表屹屹寢廟翼翼 翼筵卜協吉於焉永宅

藁城縣教諭劉守名墓在河北里

同上 趙濬銘曰言也而錯為黼進退也

而植為矩天剝其遇惟壽補韜其模範以藏於斯已乎終古

古冢在城西南四夫人寨纍纍數十相距皆丈許延袤

五里餘或云晉檀道濟量沙故蹟俗又謂之土龍

縣志

附 義冢在四關外四處共地二十三畝九分零一在香

城固地八畝六分一在安兒寨地九畝六分二釐一在

濠陽集地七畝四分三釐一在河南曠地九畝一分零

舊志

案縣志咸豐七年知縣於恆吉又於南關捐置義冢

地九畝一釐四毫

肥鄉縣

周平原君趙勝墓在縣東南西屯莊縣志肥鄉縣東北七

里有平原君墓元和郡縣志

案肥鄉舊志冢初高數十丈久而剝落土人築小屋

以覆之其後鄉人李如蒼等始祀元君像於上而加

增修葺殿閣輝煌居然如來香火而不復知有公子

遺迹萬厯間成安吳維東過肥鄉廟詩夫人城裏埋

丞相公子墳頭祀女郎蓋實錄也

宋尚書右僕射李沆墓舊在西門外後拓入城內為漳

水所湮明知府秦民悅封樹建祠畿輔通志明郭

郎尚書右僕射贈太尉中書令諡文靖李公薨於景德

元年舊墓在邑城西三十步許距今幾五百年經金元

兵燹之餘碑碣儀物蕩然無存樵牧踐穢行道傷嗟正

統已已之變大理卿王偉奉命撫巡駐境上廣城池為

防禦計忽夜夢一士夫以居宅被侵來訴物色之城基

所指適當公墓道遂展於城內然亦未遑封植修復歷

景泰天順至成化丙申得賢太守舒城秦公民悅與滯

補敝始建祠致祭禮請金谿徐內翰瓊東安李都憲侃

二先生聯暨二碑於祠前以表章之未幾漳滏二水泛

濫祠傾碑仆終宏治正德祀事不舉者又三十餘年迺

嘉靖庚寅侍御樂安蔣公暘按肥鄉知其事謀諸郡太

守太原高公汝行聿宏周垣高其堂宇復其祀典仍大

揭坊扁於墓道以崇重之五年於茲矣修復歲月迄未

紀述今大尹陝右趙君廷瑞好古崇文恐成缺典擇工

選石懇余紀其實以昭示後來嗚呼公以一人名宰相

治厥功載在史冊且備悉於二先生之名記茲不敢復言之

案肥鄉舊志文靖墓在肥已久不知起於何代後讀

百川學海雜志白馬寺後十宰相墓李穀蘇禹珪李

沆十宰相止記此三人白馬寺應在南遷以後地與

此歧異附記備攷

元昭文館大學士竇默墓在縣東十里城西村有墓田

三十二畝縣志元王磐銘日記元中統運屬昌辰九

耶壑混迹塵寰微車召至入見金鑾置之左右日接話言宮師嚴重館學尊崇公心淡然無辱無榮政事臧否人才進退清問所及正言不諱如鏡照形妍媸不昧我無偏私人無怨對公之云亡聖意哀矜念公平生言無隱情指陳是非信而有徵勒銘豐碑百代流聲

明山東鹽運使張鏞墓在縣北東長橋村縣志

山東參政魏琳墓在縣東南屯莊同上

新鄭縣知縣鄭賢墓在縣西鄭家莊同上

處州府知府郭忠墓在縣西北趙雲堡畿輔通志

世有毀譽或非厥情面背則殊矧惟死生漸有郡侯郭姓忠名莅郡六年而棄其氓氓思我侯我父兄劬孰我佚擾孰我甯泣以送之有淚吞聲侯也何知我情是嬰侯生有祠匪悅與營曷以驗之於侯之行有考績者視我茲銘

河南僉事蔣勛墓在縣北王固村縣志明車璽銘曰

井井乎其邑之計也峩峩乎其躬之觸也肅肅乎其刑之錄也懇懇乎其勞之勤也嗟嗟乎其蘊之闕也

河南道御史郭鄒墓在縣西北趙雲堡畿輔通志明蔡昂銘日物

稟靈異各擅其能鸞以德著鷗以威名惟德惟威兼備
為美我求其人以立政軌憲郭公傑出之才鸞停於
邑鷗擊於臺在物為祥於人為異迄不我容乃與禍會
能蟄其身不挫其氣考公始終庶幾無愧我之銘公蓋
激於義祥與異
與以俟來世

博興縣知縣梁桐墓在縣北梁家莊縣志

贈太保潞安府同知張應麒墓在縣境採訪冊明申
時行銘曰蒙泉

之流溢而成川累構為臺其崇造天犖犖張公劬勞率
職才足濟時位不滿德乃濬其源乃培其基是生司馬
式穀似之經國籌邊叩叩翼翼帝曰休哉予嘉乃績何
怙何恃有開必先何以恤之窀穸豆籩遇嗇於前榮施
於後不用之用食報孔厚崔嵬新
阡將作是營刻詩於幽以垂厥聲

兵部尚書張學顏墓在縣東三里隄畿輔通志明
劉元震銘曰華胄

書馨邁迹兩生臨胸潞安儲秀鍾靈司馬承之赫赫亢
宗允文允武克敏克誠風波傾公公亦弗傾維主上之

明維公之忠厥忠如愚深潛朗融佐邦揚烈
靡爽神之錫名維借德斯儷並流鴻於九京

陝西副使郭崇嗣墓在縣西北趙雲堡同上明張學
顏銘曰謂君為

良吏而君以文學鳴謂君為文士而君以吏治稱謂君
當大受而君已返於冥冥鬱鬱佳城爰君之靈人號榮
名何死何生其孰云吾
道之窮噫嘻其令終

清澗縣知縣趙臣墓在縣境同上明盧英銘曰仕以
學殖駕言治生或有墮志

假途爵纓會如君志卓犖而勅兩為縣令並有清名解
組歸來蕭蕭騎鳴考素履蹈允如鄉評胡為不樂胡為
不榮學以仕
優視此誌銘

遼東巡撫張思忠墓在縣西潘家寨縣志

左都督張懋忠墓在縣東三里隄同上

兵部尚書王世揚墓廣平在縣東胡家堡畿輔通志
明王象乾

銘曰於赫名世有炳列星降自閭闔登於承明屹屹惠文乃仗元武攬轡西河靖番讐虜於湖於豫所至澄清操比冰蘖胸富甲兵時維邊防歲漸以圯俾公往視如屹而起帝嘉乃績節鉞是膺殫厥壯猷鎮京陵西憚其威神迪其識叱咤招麾莫不夷懌寢烽息燧伊誰之庸燕然可勒勳在鼎鐘既陟中樞張皇禁旅簡在方殷榮哀倏化鶴騎箕奪時典型惟帝念功葬錫水衡如彼祁連豐碑巖業萬祀千秋光垂奕奕

錦衣衛都督同知王受善墓在縣東胡家堡廣平縣志

按察使宋薦墓在縣西西南莊縣志

盱眙縣知縣宋擢墓在縣西西南莊同上

河曲縣知縣胡應召墓在縣南彭固村同上

平陽府同知游鯉化墓在縣東北高村同上

戶部郎中賀君恩墓在縣境採訪冊明劉榮嗣銘曰學有餘為人師白有餘渾

不緇力有餘事以治世之儀國之維以開爾後之釐

刑部郎中李茂華墓在縣北郭家堡縣志

孝廉杜壁墓在縣境採訪冊明盧英銘曰學務實匪以名時所趨名之成君收桂籍夙

協乎鄉之評負材而學弗究名立而用未形為我心惻泮而弗食虛王明吁嗟乎生睥睨一世如君之沒也甯

孝子楊鳳墓在縣西路家堡縣志

國朝臨安府知府程應熊墓在縣西程家莊

西甯道蘇名世墓在縣東北高村

吏部郎中張瑞生墓在縣東三里隄

梁山縣知縣張毓藻墓在縣西康家堡

陣亡遊擊史鶴墓在縣北南屯村俱同上

附義冢一在東關外東南地九畝六分九釐一在南關
外地一畝九分二釐七毫一在西關外地一畝一在北
關外地四畝二分七釐五毫縣志

雞澤縣

唐驍騎尉毛藻墓在縣西南十八里畿輔通志 唐人撰墓誌銘公諱

藻字行斌家本滎陽先自顓頊遂因仕歷擇里漳濱故
為雞澤人矣曾祖買齊儀同三司常山太守祖甯隋湖
州湖陽縣令又任太府寺主簿父卿釋褐洛州宜陽縣
令尹屬隋末失道皇家改運西瞻陵谷尚風生於二嶠
東望鼎門猶湯沸於三水當即遠送誠款仍展勳勞蒙
授上儀同尋除熊州司倉參軍事風高千里資我弼諧
俄而又除晉州冀氏縣令公以乘躡懿範抗籍芳蹤志
烈風霜情急仁義輕離蟲小篆之技重捐身奉國之功
定王充於伊洛滅竇德於洛漳蒙授朝散大夫俄降為
驍騎尉既而隨親解綬息影歸田竟恕居懷追遊在意

堂客恒滿召嵇阮而為傳尊酒不空酌聖賢而高興宜
應保茲嘉慶享此餘生而乃福善無微犯朝露而成疾
夢楹俄反隨夜雨而不歸春秋七十有二以咸亨四年
二月二十七日甲申終於私第以上元二年歲次乙亥二月
乙卯朔十日甲申遷窆於城西八里之平原禮也惟公
立性疎放不拘名檢方當抑揚時俗領袖人倫何期壯
志亦彫英姿遽沒子義成義同等感過庭之訓痛甚崩
心想陟岵之恩悲深泣血恐桑田變易巖谷遷移敬勒
芳猷庶傳不朽其詞曰顓頊開源皋陶構緒門多俊傑
代有文武耆郎演詩遂使威楚雲布簪猷星羅台輔優
蹇疏放志在追遊既輕軒冕不重王侯夷齊作侶嵇阮
為儔滿堂朝諱孟罇獻酬一生易盡百年難駐奄逐夜
風俄隨朝露行旅傷感親友追慕隧道已通佳城將厝
黃泉路遠白馬悲深日慘春暖雲結郊陰草懸露泣樹
引風吟式鏞貞石永播芳音

案見聞續錄東柳村貢生賈連卜葬其父孝子廷輔
擇地於村南五里外延永年劉宗禹定穴時忽旋風

陡起凜冽逼人懼而返因寫吉凶二字令幼童拈之
得凶字連不信次日復往破土風作如故掘地深四
尺見磚牆枯骨遂掩之且為封植以識其處案唐毛
藻墓在縣西八里前縣治在馮鄭今以賈所卜地揆
之里數相符當即毛藻墓

望都主簿韓固文墓在縣西八里

畿輔通志 唐人撰墓誌銘君諱固文

字南金涿州雞澤縣人也詳夫四國疏封系崇基於武
穆七雄稱主開霸業於韓原漢帝為壇即備將軍之命
都姬入肆方知隱士之名尚書則寶劍昇朝大夫則玉
環流鄭奕葉光寵其在茲乎曾祖起齊幽州漁陽縣令
祖韶隋并州錄事參軍父士行唐明經擢第為儒林郎
君積慶隆家承長者之餘論鄰幾入室追亞聖之高蹤
窮學海之淵源翦詞林之浮藻解褐為陝州芮城縣尉
考滿調補滄州鹽山縣尉遷定州望都縣主簿釋茲黃

綬縮彼朱鈞爰陞一進之階即冠六曹之首澡身浴德
雪白冰清常懷撫下之心用答太平之化儀鳳二年臘
月十九日年五十有五卒於官長安三年十月十二日
祔葬於縣城西北十有五里之先塋銘曰配邢晉兮列
周藩跨燕趙兮據韓原稱三傑兮重一言英威滅兮圖
線存挺高材兮庇深根籠杞梓兮播蘭蓀鴻之漸兮歲
之春佐銅墨兮歷寒暄時不再來隙駒奔天不
愁遺喪龍蹲有孫謀兮翼子銘祖德於泉門

案墓誌云葬於城西北十五里唐時城在馮鄭與今
縣西八里相合今小韓固沙陽間有古冢一座士民
稱為韓都府墳里數適符其為此墓無疑都府蓋主
簿轉音也

元平章政事毛文綱墓今失所在

畿輔通志

案雞澤志縣南三十二里段家莊有毛都堂墳附近

尚有毛姓子孫疑卽文綱之墓

李將軍墓在縣西南十三里黃溝村東

縣志 明殷淵詩銅爵鐵騎晚

來空萬派寒沙一壟風欲叩石人渾不語夕陽衰草括
英雄 國朝苑育蕃詩一年重到此野水危橋渡連河
浩白沙荒林淡日暮碑橫殘草中其上千村路我來疑
非昔走馬同相顧冥霧帶秋原高岡立狐兔麟閣亦何
年但見青邱故古來
勳名人幾識從前誤

案舊志墓有石碣題曰元李將軍墓無名可考

明南京刑部員外郎趙鼎墓在縣北六里小韓固村

畿

輔通志

山西參議郭恕墓在北關外永陽橋西

湖廣參議劉誠墓在縣東南八里八里寨村北

明何喬新銘

日稟之粹兮志之銳兮探幽索曠求諸內兮車彭彭兮
四牡良兮瞻彼聖域期翱翔兮道阻修兮重忽仆兮命
之不淑將安咎兮有封若屋君
之藏兮壽雖不遐名孔彰兮

紹興府知府劉錫墓在縣南三里莊

明聶鶴齡銘曰胡縱爾才顧限於

其官胡豐爾德顧嗇於其年悠
悠蒼天竟莫知其胡為而然

太僕寺少卿田應弼墓在縣西南十里馮鄭村東

襄府長史田應揚墓在縣西南馮鄭村東

路府長史趙永安墓在縣西六里洛河西

河東鹽運司副使趙有功墓在縣東南一里

廬州府同知賈熙載墓在縣西北二里

鎮江府知府賈熙績墓在縣西北二里

鴻臚寺正卿賈名儒墓在縣西四里

贈雲南道監察御史王煒墓在縣南三里莊

雲南道監察御史王夢蛟墓在縣南三里莊

福府長史王夢月墓在三里莊

遼東副使康應乾墓在縣西五里王家莊

陝西副使殷大白墓在縣南十八里小寨村

明徐石麟銘曰曲

如鉤封公侯土一坏直如弦死道邊名千秋天不死公於鄉之瘼狗而死公於楚之沐猴其殆欲使為濤為碧照青汗而長留也乎嗚呼乎殷侯

殉難生員殷淵墓在縣南小寨村

國朝睢甯縣知縣殷岳墓在縣南小寨村

永甯縣知縣苑育蕃墓在縣西南十五里西柳村南

鞏昌府知府齊祖望墓在縣西南十里城隍村南

崇陽縣知縣胡俊墓在縣南二十五里慕家堡村

興山縣知縣改撫甯教諭齊淑倫墓在縣西十里東柳

村東俱同上

附義冢在東關外暨程官營舊城營八家寨吳官營五

處共地六畝三分九釐南關外暨三里莊小寨村四河

口四處共地十一畝一分七釐西關外暨臻底村柳林

口馮鄭村四處共地十畝二分北關外暨韓固營東柳

營二百戶營北馬坊營青隄村六處共地九畝九分零

舊志同治八年二百戶營村人公置義冢地三畝縣志

廣平縣

唐尚書左僕射李勣墓在縣東下河堡相傳勣東征卒葬於此舊志

案唐書李勣傳高宗永徽元年詔勣為遼東道行軍大總管率兵二萬討之破其國執高藏男建等以歸獻俘昭陵復具軍容告於廟進位太子太師二年有疾帝躬問之卒詔陪葬昭陵據此勣以疾卒於京師非東征歸卒於路也何由葬此况唐之諸陵皆在長安勣既附葬昭陵墓亦當在今陝西此墓疑非實

元鹽運使王世鑑先塋在縣東舊志作縣東南三里有斷碑篆

額曰皇元王氏塋畿輔通志元崔詠銘曰源浚悠

原之系奕葉西華轉徙鶯城始奠厥家猗嗟廣平風土沃衍玉荀森然郡侯總尹顯允禮部碩人考槃父以子貴宗伯春官慶鍾子孫恩淡泉壤作善降祥孰云其爽報施亦豐不類鰥窮讞獄平反刀筆奮庸甫冠筮仕力畢親志移孝為忠以儒飭吏薦登省幕獨贊鈞衡居中補外騰實蜚聲寵沐勳封銘刻碑勒息嗣蕃盛蘭森玉立東廓之阡峙文瑤鑄咨爾來裔勿替其傳

知高郵府李齊墓在西關外有祠同上明馬呈書詩

逢板蕩見忠臣剛腸有主心元正鐵膝無虧守獨真誓不俛身趨逆虜終當吐氣塞蒼旻特來弔古尋遺壟慘淡西風一聚塵

明布政使郝珩墓在縣西南二里轆轤山下畿輔通志

贈南京兵部侍郎馬禎墓在縣西南六里縣志明錢溥銘曰冀野

鉅鹿郡置廣平俗尚氣勢耕牧為生粵有馬氏兩遭兵燹播遷之餘不失其善公享甯謚厥生彌厚推餘及眾慶鍾於後篤生令子奮庸在廷黃門畫省輝光日增誕膺褒敕薦承恩誥生榮死哀賁於瑩兆爰究其源濬發自公復推所本與父同封榮連三代郡邑罕儷勒碑著銘允告來裔

南京兵部侍郎馬顯墓在縣西南六里同上明劉春銘曰士以才顯

亦惟其時於赫司馬履險而夷遭時崛起直道不疑惟天子使令聞孔彰嘉乃懋績錫命非常既載厥德考終桑梓納銘幽宮萬世式祀

福建運使馬呈書墓在縣西南十里畿輔通志明杜秉彝銘曰四為令尹試諸艱也二守留計貞其廉也鎖鑰雲中壯其藩也循資陞擢嘉其賢也急流勇退砥其湍也詩書奕奕子孫繁也佳城

學正馬人慈墓在縣西南十里宋固村同上明馬快銘曰母以子賢

更以節顯生事死哀所生匪忝析產崇讓厚德有終於族則睦事兄則恭三庠敷教士風振起彝範有聲英才濟濟有淑其嗣爾後克昌將登桂籍世德延長茲公之所以不朽也耶

贈兵部尚書王臣墓在縣東北三十里李排營縣志

慶府長史贈兵部尚書王允武墓在縣東北李排營同上

明余繼登銘曰廉於財或短於才公才恢恢以剗以裁如卻斯開廉於身或以矜人公則恂恂若芒若菀飲人以醕世競於貪貪以趨炎而公獨廉以廉見嚴故終仕而淹淹公之位不能淹公之世是生哲嗣為時廉吏以繼公志撫公遺迹銘之貞石納於幽宅俾子孫承籍世其清白

周府長史鄭金墓在縣東三里北張固同上明王縉祖銘曰公之生

平有麥舟風卓卓犖犖蟄蟄繩繩口碑載道千載佳城

貞節馬進妻馮氏墓在縣西南十里御史馬明謨之祖

母曲周少保王一鶚表其墓

同上

貞節林景昌妻萬氏墓在焦家堡

同上 李固本贊曰 帝命孔彰綽楔煌煌

生嘉其行死厚其喪賢哉節婦千載流芳是宜表而揚之以昭貞婦從夫之藏

附義冢在東關外一處地四分西關外二處地三畝二

分焦家莊二處地五畝三分

舊志

邯鄲縣

周程嬰公孫杵臼墓在縣西十五里

元和郡縣志

趙簡子墓在縣西南十二里

元和郡縣志

縣西石子岡有冢

如研子世謂之研子冢者是趙簡子冢

太平寰宇記 一云在

縣南故城中

大清一統志

案史記集解張華曰趙簡子冢在臨水界晉書簡子

冢在邯鄲城西石子岡上石虎發之初得岸

寰宇記 作炭

深丈餘次得木板厚一尺

寰宇記 作一丈

積板厚八尺乃及

泉其水清冷非常作絞車以牛皮囊汲之月餘而水

不盡不可發而止又宋人北轅錄云邯鄲有簡子墓

三月二十四日邑人空巷上冢形如研世謂之研冢

明一統志曰在趙城考簡子時趙未都邯鄲則墓應

在趙城然諸書皆云在邯鄲今古城中有冢人目為

簡子墓或即此歟

趙武靈王墓在縣西二里卽照眉池西之高嶺也清一大

統志

案應劭云趙武靈王墓在靈邱縣縣以此得名據史記趙敬侯初徙邯鄲敗齊於靈邱是武靈王未生五十餘年之前卽有靈邱名矣且武靈王死於沙邱不應越千里而葬於靈邱也寰宇記謂滄州城東南隅先有古墓高二丈唐貞元十三年增築外城掘地得銘記是六國時趙武靈王墓遂致祠祭戰國時滄州屬齊北境何為葬於此似亦未確

趙三王墓在縣西北二十里

方輿紀要作三十里

亦名三王陵大

清一統志

三王惠文孝成悼襄也俗呼為陵臺今其地名三

陵村

名勝志

明白南金詩歲久風殘土漸崩牛羊猶上趙王陵變衰不斷秋來草一任行人感廢興

案邯鄲志引漢書高祖十二年閔悼襄無後詔令民五家守其冢疑卽此

馬服君趙奢墓在縣西北紫山上

元和郡縣志參通志

案史記注張華云趙奢墓在邯鄲西山上本名紫山因奢冢在上故又名馬服山據邯鄲志稿墓已湮

望諸君樂毅墓在縣東南舊志今邯鄲城東南二十里故

迹猶存

輿地要覽

案史記樂毅卒於趙張華注望諸君冢在邯鄲縣西

數里元和志樂毅墓在縣西南十八里魏書盧道將傳道將爲燕郡太守下車表樂毅霍原之墓而爲之立祠城冢記燕廣成君樂毅墓在良鄉縣南三里良鄉縣志云樂毅卒於趙反葬於此未知孰是附記備攷

信平君廉頗墓在縣西南古城中

縣志

案史記廉頗卒於壽春正義曰廉頗墓在壽州壽春縣北四里今古城中有廉頗墓似非實明一統志謂在清河縣西三十里墓與緜隄相近磁州志謂在州北五十里趙拔莊又清苑趙州皆有廉頗墓未知孰

是

唐貝州刺史宋慶禮墓在縣西二十里岩崙村

畿輔通志

案康熙志舊志此墓舊誤爲宋璟墓後有盜竊發明知府秦民悅訪於故老得民家所藏唐宋慶禮慶賓墓誌石并慶賓所受敕詞小碣一通其詞曰臨事明允須居令長雅聞聲稱控帶百越朝宗萬里端察之任舉才攸屬可守廣州都督府司馬散官如故仍馳驛赴任主者施行開元二年九月十一日正當時殉葬之物以此知非璟墓也

元翰林學士張之翰墓在縣東劉村

舊志元李謙銘曰學爲通儒才應

時須時至物來應酬有餘早際休明著鞭仕途乘御史
曉登使者車摧折暴彊糾繩貪污知無不言利必與而
害必除進陟地官職思其居尋倦值於北門俄膺任於
三吳農安於田公無負租土安於學朝詩夕書方興來
暮之歌忍會哭之易傳呼遺愛在人當何時而已乎
天生材意誠何如會未究施胡遽然與胡遽然與呼

明都御史賈銓墓在縣東南二里

同上 明陳文銘曰 翼翼賈公為時名臣

世有令德勳爵相因公生長篤際此昌運鄉燕鹿鳴天
池鵬迅乃登鎖闥濯濯厥行迺守邊郡優優循名悃悃
無華重厚不易寅畏謙恭孰優公德寵渥有增嘉靖不
遷先後褒命孰逾公賢歸然老成為國之寶惟德惟賢
善斯允蹈世崇奔競恬不知慚公守其素永怡
厥顏今其逝矣不可復得有崇乃墳表茲石刻

兵部尚書張國彥墓在縣西五里王郎村後

同上

陝西布政司參議張我繩墓在王郎村後

縣志

國朝徐州鎮總兵程三光墓在縣東北胡村上

同上

附 義冢一在縣南三里鋪地四畝八分又南二里地六

畝一在縣東柳林村地七畝又蘇曹橋北地五畝一在

縣西百家村北地五畝一在縣西隱豹村地八畝

縣志

成安縣

蚩尤冢在成安縣界

太平寰宇記

今沒於漳

縣志

案通鑑輯覽黃帝誅蚩尤於涿鹿之野涿鹿今宣化
府保安州地冢不應在此

漢趙王張耳墓在縣東北三十里北珠村東沒於漳誌

石尙存字剝蝕不盡辨

畿輔通志

宋禮部侍郎王明墓在縣東南一里

同上

龍圖閣直學士王廣淵墓在縣東南一里同上

明都御史史鑑墓在縣東北三十里縣志

杭州府同知李果墓在縣南三里同上

平陽府知府張潤身墓在縣南二里同上明李維禎

爾高峙兄難為弟父不得子位居弟次一間而已十有

五年亦孫父齒以仲仲氏為伯伯氏爾弟爾父於爾乎

死爾沒牖下叔不及視我思先民或不逮爾或爾相類

是亦眾矣以爾血食予不必己以爾有聞其文則史漳

水之濱夏陽之里魂歸來兮聚族於此

太僕寺卿王宮用墓在縣東南三里同上明褚鐵銘

之英三為守令清惠有聲藩臬屢更勳勞炳耀履正奉

公恥阿權要二十八載始躋僕卿三月致政高節完名

爰及夫人勤儉孝友惟德之行於今罕有

恩褒三代存沒允光我銘諸石百世流芳

案明王世貞適晉紀行有潞安王守宮用來謁則宮

用曾官潞安守矣

戶部主事安謙墓在縣東南三里同上

山東參政蔡可賢墓在縣東南三里同上明申時行

以截鉛函牛之鼎不以烹鮮宏略瑋材而俾屯邗持斧

握籌出入戈鋌馴暴鋤凶有聲鞫然旋起旋仆卒以承

捐公豈星精其神麗天

僉都御史吳善言墓在縣東十五里同上明郭思極

國撫臣堅持冰蘖夙夜維寅不吐不茹允文允武詰兵

嚴餉幹國之蠱誰為厲階訛言啟釁直道猶存捫心無

恨姑蘇治平卓冠宇內帝曰嘉哉風我有位赫赫勳名

穰穰福祉壽考令終繫多男子赤邱之阜鏟彩埋光公

神攸慰百世其昌

開封府推官王來召墓在縣西南一里同上

陽曲縣知縣袁魁墓在縣西南一里同上

布政使李杜墓在縣東北霧觀寺西畿輔通志

陝西副使吳維東墓在縣東十五里縣志

臨洮府同知冀宏道墓在縣西一里同上明陳廷謨

銘曰雄文蔚然偉
伐巍然皎皎素節更玉潔冰寒凡擅長於人者先生獨
居其易若夫青雲路阻黃堂位偏先生又蓋處其難胡
然而人胡然而天吾不謂然吾祇信流芳襲慶大發於
階桂庭蘭先生之精神命脈與造物而同綿勒茲元室
偕配
永安

河南道御史陳廷謨墓在縣南十五里同上

河南布政司右參議侯君擢墓在縣南二里同上

孝子陶盤墓在縣西北十二里同上

烈婦劉氏墓在縣南三里同上明蔡可賢銘曰謂山

清而謝卻汝之潔汝骨柔而志堅如鐵身沒而名揭如
月汝惟重此綱常是以輕此生滅胡彼丈夫或有悖德
視汝婦人宜膽喪而心裂我為勒
辭表諸墓碣庶幾後人永為軌則

附義冢一在東關外地二畝六分零一在南關外地五

分五釐零又高家莊鄭家莊高陵阜蔡家莊四處共地

二畝一分零舊志

威縣

漢廣宗王陵在縣西北八里定陵堡有二陵相對東陵

周三百二十二步高二丈餘西陵周二百餘步高四丈

餘畿輔志上有廣宗廟今圯縣志

案漢書平帝紀元始二年夏四月立代孝王元孫之

子如意為廣宗王代孝王參傳元始二年新都侯王莽興滅繼絕白太皇太后立代王

年弟子如意為廣宗王奉代孝王後後王莽篡位國絕今考地理志無蓋未置縣也後漢書元

帝紀永元五年正月辛卯封皇帝萬歲為廣宗王廣

宗隋避煬帝諱改為宗城據此則此墓非前漢廣宗

王如意即後漢廣宗王萬歲考後漢書章帝八王傳

廣宗殤王萬歲以永元五年封分鉅鹿為國其年薨

葬於京師無子國除還并鉅鹿則此墓為前漢廣宗

王如意墓無疑矣惟二陵相對豈當時王妃附葬者

歟

唐宋金剛墓在縣西北四十五里其地因名東宋村西

宋村畿輔志

宋傾陵在縣東北二十五里陳村社世遠無考舊志

元尚書劉肅墓在縣東棲鸞鄉公孫寨孫賡附葬清一

統志元虞集銘曰自古在昔國尚老成有典有則是程是經百年之間羣賢並興蔚乎其文充乎其能逝川弗回繼其邈矣白髮蒼顏公獨壽祉出而事君玉佩珠履入而奉親惟潔滌多士在門有公有卿誦詩讀書亦有諸生金券瑤冊鼎彝之銘追琢其章昭如日星顧瞻在列孰蕭孰艾孰為浮夸朝豔夕壤孰為彊梁外肆中隘眾人尤之君子攸慨君子之興有來有承隱德之積久而有徵尚書制作秩秩在廷孝靖式穀退若弗勝誰云弗勝公以文起有祿有年與父終始棲鸞之鄉公孫之里何以表公貞石有紀

都元帥劉恩先塋在縣北張臺社畿輔通志

明贈都御史王榮墓在縣東十五里高家寨縣志

僉都御史王濬墓在縣東五里安陵村舊志明馬陟

誰啟先嗟公之生徵諸天雄才遠略學更淵古稱柱史
今赫然勳迹懋著階崇遷都臺峩峩握兵權甘涼萬里
清塵煙荆襄到處收功全天子欲召為濟川星胡遽隕
成長眠厥孫賢哉徙墓田神斯甯止光重泉式昭厥德
年千億

貴州參政董威墓在縣西郭外縣志

東昌府知府高聰墓在縣東北二里

贈戶部侍郎石堅墓在縣南五里

戶部侍郎石永墓在縣南三里

贈兵部尙書賈瑄墓在縣北三里

贈兵部尙書賈民墓在縣北三里

兵部尙書賈待問墓在縣北二里

青州府通判賈待舉墓在縣北五里

贈兗州府同知尹文振墓在縣南五里

兗州府同知尹言墓在縣南五里

贈興安州知州孫鹿鳴墓在縣南五里

臨洮府同知孫奕世墓在縣南五里

吳堡縣知縣李輅墓在縣南五里

兵馬指揮司副指揮馬伏墓在縣南一里

重刊... 贈兵馬指揮司副指揮范光祖墓在縣北四十里

贈翰林院檢討王友才墓在縣東北五里俱同上

附義冢一在東關外地十二畝零一在南關外地十二

畝一分零一在西關外地六畝九分零舊志

案威縣志在城東者知縣田可并置在城南者知縣

宋守經置在城西者知縣何圖置又一在城東畢家

寨西為千戶劉繼置

清河縣

漢甘陵在縣東南三十里漢安帝父孝德皇母孝德皇

后葬此俗名英陵大清一統志 宋祖昱詩悵望甘陵日欲昏貴人埋玉此長存西風驟

雨槐花落翁仲無聲立墓門

案舊志甘陵在縣東北隅漢安帝母耿姬葬此英陵

在縣東南三十里安帝父孝德皇清河王慶葬此則

是有二陵矣考後漢書郡國志甘陵古厝師古曰安

帝以孝德皇后葬於厝改曰甘陵又安帝紀建光元

年三月戊申追封清河孝王曰孝德皇皇妣左氏曰

孝德皇后夏四月丁巳尊孝德皇元妃耿氏為甘陵

大貴人注曰甘陵孝德皇后之陵在貝州清河縣東

為帝生母左氏葬處非嫡母耿姬也水經注迺謂孝

德皇葬此因尊陵曰甘陵縣亦取名焉又通鑑殤帝

延光元年三月清河王慶就國十月病篤上書求葬
 宋貴人家旁遂薨太后使掖庭丞送左姬喪與王合
 葬據此是孝德皇孝德后合葬之處皆在甘陵也舊
 志誤於城冢記故分爲二陵通志云河間府故城縣
 城內學房頂俗曰甘陵據應劭注甘陵西北五十里
 有信成亭信成故城在今清河縣西北十二里則甘
 陵在清河縣東南無疑而故城縣在今清河縣之東
 北一百二十餘里方向里數均有不合說恐非是

白馬令李雲墓在縣西十里大清統志冀州刺史賈琮刻

石表之後魏時尙存俗謂李氏柱石水經注今墓與石俱

湮舊志宋祖昱詩孤鳳鳴何急徒聞異代思可憐自

折檻翻意漢成時錢啟文詩三百六旬期已徧赤精

漸滅黃精見豔妻一煽四侯封才賄公行官位亂臣心

點點比干血正氣森然語激烈有如積潦苦陰霾警靈

一聲萬怪滅帝欲不諦穎有泚責難不受反切齒濯龍

池畔龍何癡身腐獄中香滿口敢殺諫臣國必覆朝右

忠良同一哭指日青蛇御座飛表墓人來淚簌簌吁嗟

乎人人心有是非眞管霸一語天爲春我紫宸

心願比華表鳳向日高鳴達

唐襄州都督張公謹墓在縣西南二十里樊水村今失

所在縣志

案唐書列傳公謹魏州繁水人地理志韻編繁水今

大名府南樂縣地村名音同未知孰是附記備考

元元氏新阡在王家原畿輔通志元元明善表曰

元氏有二一日衛大夫咺一日

拓拔魏之元著河南而吾曾祖諱興君家於大名清河
諱興君娶張氏生子曰諱信君諱聚君娶楊氏生子曰諱
泉君娶張氏生子曰諱信君諱聚君娶楊氏生子曰諱
珍君曰諱成君曰諱玉君諱海君娶高氏生子曰諱天
祐君曰諱進君曰諱瓊君曰諱瑛君曰諱貢君由將仕
佐郎提舉杭州酒使司知事徙蘆瀝鹽場同管句諱信
君娶楊氏生子曰弼曰德曰恭諱珍君娶張氏何氏生
子曰諱良曰口今將仕郎高郵屯田提舉曰諱林曰榮
曰瑩曰愷諱成君娶趙氏生子曰巒曰善諱玉君娶郭
氏生子曰通曰福曰嘉諱天祐君娶胡氏生子曰珪諱
進君娶焦氏生子曰諱或允諱瓊君娶楊氏生子曰諱
山曰顯曰世彥曰世傑曰檜諱瑛君娶張氏生子曰義
曰從政今湖廣行中書省宣使諱貢君娶弭氏生子曰
明善以儒起家由登仕佐郎樞密院照磨為中書省知
管差除椽弼娶王氏生子曰起良娶李氏生子曰賢砥
娶皇父氏生子曰衍善娶侯氏生子曰岫通娶李氏生子
曰翰福娶閻氏生子曰幹或允娶孫氏生子曰秀山娶
鄒氏生子曰震世彥娶劉氏生子曰楊世傑娶鄒氏生
子曰播義娶任氏生子曰嶠曰峻明明善娶李氏生子

曰蒙曰晦諱興君以下葬於縣城郭西賈莊之東諱天
祐君以下別葬於新阡去祖塋西南七十五步仰維吾
祖和厚懿恭懷光弗耀再世而發於吾考吾兄而明善
不肖亦忝朝命執事機要蓋懼夫族大日遠昧於鏡考
而涸先澤此阡表之所由刻也夫祖澤流行冥漠之中
緝學力行命不逮者有焉趨下漸邪而望振顯者理無
是也雖然益遠益大垂美無窮豈無
其人嗚呼元氏子孫豈可不鑒於茲

樞密院照磨同管句蘆瀝鹽場元貢墓在王家原 同上

吳澄詩繫昔郡公才鉅志崇養疾致憂孝出天衷卷韜
金綸尺寸試分卑卑小官而不緇塵天嗇其躬身後則
豐有爵有勳有諡有封壺儀媿美上暨考妣烜赫綸恩
光耀閭里我原其初施腆報腴維善之積維慶之餘允
也貞惠一活萬死爰逮於公彌厚厥祉皇澤沄沄孰大
吾門維公有子貞惠有孫維公有子維帝嘉止穹碑勒
辭百世
有煒

翰林學士元明善墓在王家原西三里 同上 元馬祖
常銘曰於維公

文並古立大沛厥辭世莫蹟震警瞽力不克蜚聲天
衢名疑疑位臻公卿發軔迹蘊而不施用弗極神棍其
馳學乃碩天藻揆縵球圭璧五十四年返元宅案舊
志碑歲久湮沒明嘉靖辛亥邑人馮盛時孫沈請於合
孟仲遴為復龔
石豎於道左

御史王澤墓在縣厲壇左明正德間族人以貧鬻廢今

止遺塋地半畝又陳二莊亦有王御史墓前志不載不

可考舊志

九冢在縣南巍然九阜或曰亦古王墓也大清一統志

附義冢在東關東北地十畝一分零光緒五年知縣楊

秉德捐置九年知縣黃汝香圍以牆垣並置守園人縣志

案舊志一在縣東南地五畝一在縣北地七畝一在

王什莊地十畝又縣志一在城東北明嘉靖中知縣

辛汝弼為刻石封識萬厯間知縣王守禮有石碣一

在山川壇左地二畝七分嘉靖間耆民劉巒等置有

石碣一在油坊集北地四畝嘉靖末邑人王希文等

置一在陳二莊地三畝萬厯時邑人焦惟藩置一在

葛仙莊地一畝三分萬厯七年鄉民馬宗陽置

磁州

周趙上卿藺相如墓在州西四十里州志邯鄲藺相如墓

去城西南三十五里入磁州界羌村尙存古廟三楹中

有塑像墓在廟後名勝志雍正六年奉文防護舊志明

智勇存危趙相如第一人特書王擊岳間道壁亡秦
故國山河改孤墳草木春魯連終蹈海千古共悲辛

案史記正義曰藺相如墓在邯鄲南六里寰宇記謂

在邯鄲縣西南二十二里元和志作二十三里又云墓在永年

縣界未知孰是

漢太尉杜喬墓在州北二十五里大清一統志朱珪詩并序磁州城北

二十里為杜村問之土人有漢杜太尉喬墓在村西北里許隨訪之荒原孤阜無片碣可考感而作此且致磁州牧李君晟誌之邯鄲南發經杜村太尉無廟云有墳去村西北一里路土人導我拜公墓獨騎躡沙礫中麥田春蔓平野空坡陀孤阜無碑碣遙對太行埋碧血當年椒焰方燎原金蛇不與私傳觀犀庭比肩抱日月虎穴刺手生糜爛陳尸城北萬夫槍鈇鑕號天許歸葬魂歸漳滏長滔滔白水已涸當塗高到今遺蛻一坏土西望長陵共榛蕪久騎箕尾上星辰不鑿麒麟護風雨我歌為致州牧賢且乞片石深題鑄誰能好事樹十畝

更作新廟
歆千年

案州志有漢趙王相周昌墓在州境內攷漢書周昌

傳太后使召趙王其相昌令王稱疾不行使者三反

太后怒召昌至復召趙王來至長安月餘王見殺昌

謝病不朝見三歲而薨據此昌實不死於磁州墓似

不應在境內又云李固墓在州東攷漢書李固傳固

漢中南鄭人墓在漢中城固縣與磁州無涉故並刪

去

魏疑冢在州南舊傳曹操設疑冢七十有二森然彌望

高者如小山列布至州城而止畿輔通志宋王安石詩青山如浪入漳州

銅雀臺西八里邛螻蟻往還空隴畝麒麟埋沒幾春秋
俞應符詩生前欺人絕漢統死後欺人設疑冢人生
用智死即休焉有餘遺到邛壠人言疑冢我不疑我
有一法君未知盡發疑冢七十二必有一家葬君屍

案范成大攬轡錄操疑冢七十二散在數里間詩云
曹塚正在古寺中亦屬傳會往歲值凶荒民盜發冢
者皆有屍一為齊王陵一為齊獻武帝第十一子高
陽王湜墓一題碑額曰公主為齊王四妹由此類推
則疑冢之說不足信矣然魏武帝西陵亦終莫得其
處又何怪乎人之疑之與又有作虛糧冢者亦非

岐安冢在磁州舊志隋圖經云岐安冢在魏武陵東三里

太平寰宇記

晉石虎墓在滏陽縣西南十四里元和郡縣志

案水經注漳水又北逕祭陌西戰國之世俗為河伯
娶婦祭於此陌慕容儁投石虎屍處田融以為紫陌
也方輿紀要紫陌在故鄴城西北五里考故鄴城在
今河南臨漳縣西二十里據此墓應在河南安陽縣
之北境而在磁州之南矣

佛圖澄墓在滏陽縣西南十七里元和郡縣志

東魏二陵在州東大清一統志滏陽縣東魏二陵即大司馬

孝靜帝父宣與靜帝二陵也太平寰宇記一云陵在武城西

北大岡隋圖經

侍中高翫墓在州南八里鋪官道旁石碑羊虎尙存

清一統志 北齊安德王經墓與感夜臺長自寂泉門無復明獨有魚山樹鬱鬱向西傾觀物令人感目極使魂驚望碑遙墮淚軾墓轉傷情軒耶終見毀千秋空建名

公主墓在州南八里官路西申家莊後公主名季豔孝

文帝之孫太師廣平公之女太尉貞平公之妻

同上

北齊太上冢在州西南十五里牛尾岡世傳北齊高歡

之父葬此

同上

案舊志引通鑑東魏大將軍高澄虛葬齊獻武王歡於漳水西潛鑿鼓山石窟佛頂之旁為穴納其柩而塞之殺其羣匠及齊亡一匠之子知之發石取金而

逃又案北史高洋篡立廢東魏主為中山王鴆殺之諡曰孝靖皇帝葬於鄴西漳水之北後洋掘陵投屍漳水則此冢其獻武王之父與或即獻武王虛冢抑中山王廢陵皆不可攷矣

神武陵在磁州東

畿輔通志

東魏二陵之側去州三里今

天鹿石闕尙存

太平寰宇記

案元和志高齊神武陵在滏陽縣南十三里與此異蘭陵忠武王墓在劉家莊東王諱肅字長恭渤海菑人

神武帝之孫

舊志

蘭陵公主墓在州西十里槐樹村

畿輔通志

四美冢在州東南十里冢不甚大左右前後各相去數

武俗呼四美冢舊志

案四美冢俗又曰四妹冢謂齊王有四妹豈四妹皆未嫁而卒耶如謂齊王之第四妹又何一妹而有四冢耶則呼為四美者近是

隋刺史竇宗墓在州西五十里西鼓山巔墓地周圍十

餘畝有無梁殿香亭石碣畿輔通志

唐禮部尚書崔元亮墓在鼓山下同上唐白居易銘

下吉日吉工載封載樹鳴呼博陵崔君之墓

後唐平章任圜墓在州境內州志

後漢仙母冢在州東黃華谷內上有祠後漢仙人王津

葬其母於此舊志

宋樞密使高謙墓在州東二里西侯召村翁仲石虎俱

存州志

金禮部尚書趙秉文墓在開陽門外畿輔通志金

中絕力任權御一判藩籬倒置冠履公起河朔天以經副挺身頽波為世砥柱優柔而求饜飫而趨春風舞雩如望趨步心與理叶默以言寓發道大全初莫我助大夜而旦大夢而寤乾端坤倪軒豁呈露致知力行開物成務在德為柄在治為具吾道非耶而以文遇足己無待恃義不懼憂國愛君華首彌固藏書名山京師其副後禮樂興當表公墓

元戶部尚書馬煦墓在州西十里槐樹村同上元虞

之陽溢流洋洋有燧馬宗世為之望望之擬擬有梓有
杞桓桓勸農侃侃御史爰暨中書中外踐更公秉國鈞
以究其成善止弗蹶亦未期耄有綏瓊纓臨溢自潔軒
軒乘車沒齒走趨孰不懷鄉存其幾餘思表令德勒辭
比事匪孫子是
遺用憲國士

撫州路總管府治中李璋墓在州境

同上 元吳澄銘曰拔之行伍而史

而府界之民土而字而撫父也能吏子也才士克章前美父有孝子

興國公安守正墓在州南關外一里翁仲碑記俱存

同上

御史馬天驥墓在州西南四十里岳城村

同上

明學士藺從善墓在州西七十里賈壁村

同上

刑部侍郎羅綺墓在州西南五里灣漳村

同上

南京監察御史紀傑墓在州南二十里講武城子副使

純附葬

同上

陝西按察司副使葛覃墓在州西南五里灣漳村

同上

崔銑銘曰彼庫樸橄乃材夏屋胡短轅者大服四馬葛生履護甫授伊廓而返冥冥疇堅已約往恤人瘼而聞

陝西道監察御史王泮墓在州西南一里鑑上村

同上

戶部郎中俎琚墓在州北三十里黃鼠村

同上

都指揮王邦植墓在州西南十五里窰子頭村

同上

僉都御史李己墓在州南關外

同上

吏部常守信墓在州北十里甘草營

同上

兵部尚書張鏡心墓在州北四十里南城村

同上 劉正銘曰太

行北走漳水西通秉茲靈懿展也張公長身玉立碩大且豐出入補闕掣電生風帝曰左顧粵之西東紅夷烏蠻生猺熟峒流人勻盤鬼島交訶如戟如牙如石崿崿維汝謀猷僉曰汝崇公拜受命皇威鬱隆綱舉目張善靡不衷殲厥楚寇實維元功溟池越貨其備臆岳牧五載室鮮貝賚黎莫穴鬪制以雍容我毋結邊我毋致戎爰謐嶺海勲莫與庸近希張輔遠迹祭彤貳於中樞集蓼拼蜂公歸國傾所繫曷窮怡神元會迺返幽宮吾友倪黃洩洩融融嵬兮宅兆鬱哉括松千禩勿翦過者作恭鑣石勒訓示後臣工湯斌銘曰太行鬱峙漳水迴瀾篤生偉人國之屏翰侃侃遺直梧掖垂紳風標嶽立威鳳祥麟臨軒授鉞百粵蠻方甲兵曾貯嶺霧開張薄伐楚寇鉦鼓鏘鏘緩帶輕裘克奏膚功日南波靜蠻戶春耕何不中原滅彼檣槍蹇蹇勞臣鬢髮如雪入佐中樞朱公玉節晚年雲卧夢寐義皇象賢接武奎璧煇煇歸哉高原松楸蒼蒼銘石不泐奕葉其昌

國朝刑部副郎張塏墓在州西南磨灣村
續州志 萬經
 銘曰滏陽之原

泉深土堅後千百年過者
 猶曰張氏賢大夫之阡

附 義冢明嘉靖七年西陳里義官楊和於南關外路東

施地五畝四十三年知州栗永爵於南北兩關路西各

置地三畝萬曆十三年知州張夢麟於北五里鋪增置

四畝八分

國朝康熙三十六年知州蔣擢查出常家莊地八畝七分

岳城地一畝二分彭城鎮地十三畝二分八毫辛家莊

地一畝六分各立義冢碑漏澤園坊至今仍舊採訪冊

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----

[Blank page with faint horizontal lines]

